

KUMEKA KUSADILA
NZAMBI KISALU KUKONDWA
YA VWANDA LUZOLO YA NZAMBI



Beto bikana ya kutelama ntangu yayi samu na mwa ntangu fyoti na ntangu beto ke sambila. Beto kulumusa bayintu ya beto.

Mfumu, beto kele na kiese na suka yayi na kuvutuka na yinzo ya Nzambi, na lukutakanu yankaka. Mpe beto ke sambila, Nzambi, ti Nge ke sungika beto na suka yayi na bifu ya beto nyonso. Talisa na beto nzila yina Nge me tuma ti beto fwana tambula. Mpe pesa beto lemvo ya Nge mpe zola, ti beto fwana landa banzila yango mpe malongi na bantima ya beto nyonso, ti beto lendaka monana, kilumbu yina, kati na Klisto, kukondwa dyambu yina ba lenda kusemba beto, samu ti beto ke kwikila, Mfumu, ti kumonika ya Yandi kele ntama mingi ve.

² Beto ke mona bidimbu nyonso yina Yandi tubaka ke salama kaka na ntwala ya Nkwizulu ya Yandi, ke na kulungisama ntangu yayi. Mpe na kiese beto ke vingila ntangu yina. Mutindu kiboba ya Abraham vwandaka vingila mwana ya nsilulu, mpe na kumonaka bidimbu yango ya nsuka ya Nzambi ke kulumuka na zulu ya ntoto, na yina yandi zabaka ti ya ke vwanda ntangu mingi ve tii mwana ke kwiza. Mpe ntangu yayi beto ke mona dyaka yawu kusalama. Yesu tubaka na beto ti, “Ntangu bima yayi ke banda na kusalama,” samu na kutelemisa bayintu ya beto, ti mpulusu ya beto—ya beto me belama, “ntangu ya mubulu, kiadi kati-kati ya bayinsi, kuningana ya ntoto na bisika mingi, kuboka ya mubu, ntima ya bantu ke na kubwa na boma.”

³ Beto ke bakula ti beto kele na ngunga yina, ntangu bayinsi zaba ve yinki kusala. Mvita yankaka ke na kwiza, ya ke talana mutindu yina. Wapi kima ya boma ya ke vwanda! Ntoto ke na kukabwana, bantu ya science ke na kutuba ti kima ya boma kele pene-pene na kusalama. Beto ke mona Biblia kuzonzila yayi. Na yina, Mfumu, sadisa beto bubu yayi na kutelama na yinzo yayi ya kusungika, mpe kubaka bantumunu na Nzambi ya beto, samu na kukwenda na ntwala na ngunga yayi ya mudidi, samu na kulezima Nsemo, samu ti ya lendaka vwanda bweso ya beto ya nsuka na kusala yawu. Samu beto ke lomba yayi na Nkumbu ya Yesu mpe samu na Yandi. Amen.

Beno lenda vwanda.

⁴ Kieleka mu ke tala yayi bweso ya nene, na kuvwanda awa na tabernacle na suka yayi. Mpe beno lemvokila munu ti beto kele ve na bisika ya kuvwanda, bisika nyonso, samu na beno. Mpe kisika yayi kele ya kufuluka, mpe bantu kele ya kutelama bisika nyonso na ngaanda.

Beno bantu yina kele na ngaanda ntangu yayi, beno lenda kuwa yayi na radio ya beno. Mu me zimbana . . . [Muntu mosi me tuba, “Makumi tanu na tanu tii na makumi tanu na sambwadi.”—Mu.] Makumi tanu na tanu tii na makumi tanu na sambwadi. Beno bantu yina kele na ngaanda, mpe kuna na bisika ya matoma, mpe na babala-bala, beno lenda kuwa yayi na radio ya beno, kati-kati ya makumi tanu na tanu mpe makumi tanu na sambwadi na radio ya beno. Na yina beto mekaka . . .

⁵ Mu zolaka vutuka, mu zola kutuba, awa, samu na kumeka kuzwa pene ya bilumbu kumi ya balukutakanu, samu na kuzonzila dilongi ya *Bambungu Sambwadi Ya Nsuka*. Samu, na kati-kati ya Bambungu yina kele Bampungu. Mpe mu vwandaka tuba na beno na . . . ntangu mu zolaka longa na zulu ya Bampungu Sambwadi, ti mu ke nata yawu na Bambungu mpe Bampasi. Mpe mu banzaka ti ya ke vwanda ntangu mosi ya mbote. Mu katukaka kaka na Afrique, mpe—mpe bana vwandaka ve na konze ya bawu.

Mwana ya munu ya bakala ya ntwenia, Joseph, vwandaka—vwandaka me kuzwa fyoti . . . yandi vwandaka na nsatu ya mwa basabala samu na kulonguka kutanga ya yandi. Yandi lutaka, mbote mingi, kasi yandi vwandaka ve na ndilu. Na yawu beto bumbaka yandi na Tucson, na yawu, na yina mu vwandaka na Afrika, mpe yandi landilaka kutanga ya yandi mpe simbaka yawu, na lukolo mosi ya kilumbu.

Mpe na manima beto vutukaka. Mpe mu banzaka, na ntangu bana ke kuzwa konze ya bawu, mu ke vwanda na mwa lukutakanu awa na bantu, mpe kulonga malongi yayi. Kasi ntangu beto kele awa, beto me mona ti beto lenda ve kuzwa kivinga ya nene na lukolo.

⁶ Mpe mu zabaka ti tabernacle vwandaka ve ya kulunga na kuvwandisa bantu, mpe kusala ti bawu vwanda mbote mutindu bawu ke vwanda ntangu bawu . . . ntangu mu kele na Nsangu yayi, na yina beto fwanaka ku—kuyilama na mutindu ya kuswaswana. Mpe na kisika ya kuzwa bankokila kumi yina beto vwanda zola kuzwa, mbote, mu salaka yawu kaka balukutakanu zole na Lumingu; na Lumingu yayi, na Lumingu ke kwisa, mpe na Lumingu yina ke landa, balukutakanu zole. Na yawu, mpe beto samunaka yawu ata fioti ve.

Mpe, na yina, kana muntu yina kuwaka mutindu mosi ti balukutakanu zolaka banda na kilumbu ya makumi zole na nana, na kivinga ya lukolo, kana Nzambi me pesa muswa, mbote, kana beno kele na bankundi mpe ti beno kukubikaka bisika na

ba-motel, mu—mu ke—ke sala yawu ve, beno me mona, samu ti—ti bawu, beto lenda ve kuzwa yawu. Ba lendaka ve kuzwa bivinga ya lukolo.

⁷ Mpe ntangu yayi mu zola kuzonza, na zulu ya bisalu ya kumwangisa nsangu na Lumingu na suka. Mpe Lumingu na nkokila mu zola kusambila samu na bambevo. Mpe beto ke na kivuvu ti Nzambi ke kutana na beno bantu yina kele ya kubela. Mu zaba ve wapi mutindu Billy ke kipe beno; Mu banza, kukabula bakalati ya bisambu, to na wapi mutindu, kukeba ndonga na dibuundu. Kasi beto ke sala nyonso beto lenda samu na kusambila samu na muntu nyonso na basabala tatu yayi yina ke landa yina beto ke zola kuzwa balukutakanu, kana ya kele luzolo ya Mfumu.

⁸ Mpe na yina bambala mingi ya kele na masolo ya kingenga, muntu mosi ke zola kaka kumona beno minuti mosi na zulu ya kima mosi to kima mosi ya mutindu yina. Mpe beto ke . . . Bantu yikwa awa zola masolo ya kingenga? Beto tala diboko ya beno. Oh! nani zola ve? Na yina beto ke . . .

⁹ Ya ke monana mutindu ti ya ke vwanda mpasi na kuzwa yawu, na yina beno sonika lombilu ya beno mpe beno tinda yawu, beno pesa yawu na Billy, na yina mu lenda kuzwa yawu kuna. Mpe, ntangu yayi, yandi ke zabisa, mu banza, bakalati ya bisambu, ntangu ba ke kabula yawu.

¹⁰ Bampangi ya beto ya balongi yikwa kele awa na suka yayi? Beto me kuzwa siansi na yawu ve, mu banza ve . . . Beno me zaba bayankaka na kati ya bawu? Balongi yikwa kele awa na suka yayi, beno zola kaka kutelemisa maboko ya beno? To, beno telama. Beto tala balongi yikwa kele na kati ya dibuundu na suka yayi. Mbote, mbote! Matondo na Mfumu samu na bantu yayi. Kana beto vwandaka na ntangu ya kuzaba mosi na mosi ya bawu, kasi mu ke kwikila ti beno ke mona bawu. Mpe beto . . . Nzambi zaba bawu na kisalu ya bawu, mpe beto ke sambila ti Nzambi ke sakumuna bawu mingi na mutindu mingi. Mpe, kukondwa ntembe, mingi ya bawu me kanga balukutakanu ya bawu, samu na kuvwanda awa. Mpangi Junior Jackson mpe, mu banza, Mpangi Don Ruddell, mpe nsangu yayi ke na kuwakana na mabuundu ya bawu. Mpe kuna, mpe, kuna na New York mpe bisika yankaka bisika nyonso na yinsi, yayi kele na nzila ya allo-allo na konso dibuundu na suka yayi.

¹¹ Mu kele na kyese na kumona Mpangi Richard Blair ya kuvwanda awa. Mu tangaka kaka mukanda ya kima ya nene yina Nzambi salaka na kati-kati ya bantu kuna. Kilumbu yankaka yina, mutindu mu me bakula . . . Mu lendaka vwanda na foti, Mpangi Blair; kana mu kele, sungika munu. Yandi vwanda sala, yandi vwandaka sadisa bakala mosi na kutula bansinga ya lotiliki na roulotte to kima mosi, mu ke kwikila ya vwandaka. Mu tangaka mukanda. Mpe bawu balulaka kima mosi, mpe, na

yina, ya nataka kuran na kati ya masa kisika mwana-bakala mosi ya fioti vwandaka, mosi. . . bakala yango yina vwandaka munkwa ya roulotte yango, mwana-bakala ya yandi ya ntwenya, kaka mwana ya fioti, mpe yina kufwaka mwana-bakala yina ya ntwenya. Mpe kifundu ya yandi vimbaka. Beto zaba kubula ya lotiliki, ya kele, ntangu bawu ke kufwaka, ya kele yina ke salamaka. Mwa meso ya yandi vwandaka ningana ve; meno ya yandi kangamaka.

¹² Yina yangisaka mingi bampangi yayi ya babakala. Mpangi Blair tubaka ti yandi banzaka ti yandi zolaka bokila munu kisika mosi kuna, samu na kusambila samu na yandi, kasi yandi bambukaka moyo ti ba sonikaka ti, “Kisika zole to tatu me vukana na Nkumbu ya Munu, mu kele kuna na kati-kati ya bawu.” Mpe tata lwalaka na misapi ya yandi na kumekaka na kutula misapi ya yandi na yinwa ya mwana ya bakala, samu na kuzibula yawu. Mpe bawu fukamaka mpe bandaka na kusambila samu na mwana-bakala yina ya fioti, mpe yandi vutukaka diaka na luzingu.

¹³ Ya kele kieleka, Mpangi Blair? Mosi ya bampangi ya beto ya babakala ya kukwikama awa. Oh, mwana-bakala yayi ya fioti kele awa. Mbote, matondo na Mfumu. Ya kele mbote. Beto ke zola ti nge telama kuna, mwana ya bakala. Ntangu yayi, beto ke tonda Mfumu ya luzolo samu na yayi. Yina kele tata ya mwana ya bakala yina ya fyoti? Nge kele tata ya yandi? Ya kele kieleka. Mpe awa kele Mpangi Richard Blair. Nzambi ya beto kele na kiyeka ya kusala kima mosi. Yinga, tata. Yandi silaka yawu. Beto ke na kuzinga na Mvwandulu ya Kinzambi ya Tata ya nene, ya nkembo, ya Mazulu. Mpe bima nyonso yina beto. . . lenda salama kana beto lenda kwikila kaka yawu.

¹⁴ Beno me mona yina yawu ke sala, yina yawu me lomba samu na luzingu ya bakala yina na kukwikila yawu? Yandi vulusaka mwana ya yandi ya bakala. Ntangu yayi, Nzambi vwandaka na bisadi ya yandi ya kwikama kuna, na. . . Mpangi Blair mpe bayankaka, samu na kusambila samu na mwana-bakala yayi ya fioti ntangu yandi vwandaka mutindu yina. Yinga, ntangu kima mosi ke salama, beno bambuka moyo, beno kele bana ya Nzambi ya moyo.

“Kisika zole to ya kulutila kele ya kuvukana na Nkumbu ya Munu, Munu kele kuna.” Mpe dyaka ya kele ya kusonika, “Yandi kele lusalusu ya kieleka na ntangu ya mpasi.” Mpe kana ya me vwandaka ntete ve na mpasi, ya vwandaka mwana-bakala yina ya fioti ya kulala kuna, ya kufwa, na zulu ya ntoto, na kubula ya lotiliki yina kotaka na kati ya yandi. Na yawu beto ke vutula matondo na Nzambi na suka yayi, na bantima ya beto nyonso, samu na bima yayi—yayi yina Yandi me sala samu na beto.

¹⁵ Nzambi sakumuna babakala yayi ya kwikama, dyaka. Na ntangu ya dyambu ya nswalu ya kele ntangu ya kutala na

Nzambi. Mpe beno tala na Yandi, mpe beto vwanda na kimpangi na Yandi ntete dyambu ya nswalu kukwiza. Beto zaba yayi. Kana beto me kuzwa lemvo na Nzambi, beto lenda lomba Yandi kima nyonso, mutindu beno ke zolaka nkundi nyonso yankaka, mpe Yandi kele lusalusu ya kieleka na ntangu ya mpasi.

¹⁶ Mu kutanaka kaka na bala-bala, mazono, mpangi ya kento ya Mpangi John Martin. Mu vwandaka... Muntu mosi telemisaka munu na bala-bala, mpe muntu mosi lutaka kuna pene-pene ya munu mpe ningisaka diboko ya yandi. Na kuvutukaka na yinzo, beno zaba, beno ke mona bantu bisika nyonso, ke telemisa beno mpe ke pesa beno mbote, mpe nyonso yina. Mpe mama yayi, mu ke bambuka moyo ti ba bokilaka munu ntama mingi ve, kisika muntu mosi bulaka yandi na mukongo, na kati ya ditoma, mpe na kisumbula yina yandi lwalaka na colonne ya yandi na yinda ya yawu. Yandi zolaka vwanda kikata luzingu ya yandi nyonso. Yandi kele ya kuvwanda na lukutakanu na suka yayi, ke sepela na Mvwandulu ya Nzambi. Mu vwanda solula kaka na yandi na kati ya kivinga. Mu zola kusambila na yandi, dyaka. Mpe yandi vwandaka... Yandi kele awa kisika mosi kuna. Mu banza ti yandi lendaka ve kukota.

Kasi, awa, kieleka, yandi kele ya kuvwanda kaka awa pene-pene ya beto. Ya kele kieleka. Nge lenda telama kaka minuti mosi, mpangi ya kento, samu ti bantu... Yandi yayi mama yina dokotolo tubaka, na mwa bilumbu fioti me luta, ti yandi ke tambula ata fioti ve, colonne ya yandi bebaka, na kisumbula—kisumbula. Mpe yandi yina me telama kuna, yandi me beluka.

Beno zaba, Biblia me tuba, “Mpe ba lendaka tuba kima mosi ve samu na kutelemina yawu, samu ti muntu yango vwandaka ya kutelama na kati-kati ya bawu.” Ya kele kieleka. Tala mwana-bakala ya ntwenya yina me basika na lufwa, mpe tala kento yina vwandaka na mukongo ya kubeba, yandi me telama na kati-kati ya beto. Ya me salama, na yina Yandi kele mutindu mosi mazono, bubu yayi, mpe kukonda nsuka. Nkumbu ya Mfumu kusakumuka! Wapi mutindu beto lendaka zinga ntangu yayi na Mvwandulu ya Yandi, mpe kuzaba ti Yandi kele lusalusu yayi ya kieleka na ntangu ya mpasi.

Mu ke na kiese na kumona Mpangi Vayle, Mpangi Martin, mingi na suka yayi. Mfumu kusakumuna beno bampangi, kulutila mingi. Ntangu yayi ya kele...

¹⁷ Mu zaba ti ya kele ve madidi mingi na kati awa, na nkonga ya bantu yayi nyonso, kasi ntete, ntangu mu katukaka na Tucson kilumbu yankaka yina, ya vwandaka pene ya nkama mosi na yiya to tanu. Mpe pene ya kati-kati ya mpimpa, ya vwandaka makumi yivwa na tatu, mpe na yina yayi ke monana kitoko mingi samu na munu. Mpe na Parker ba tubaka ti ya vwandaka nkama mosi na makumi yiya, na Kilumbu ya tanu na ntwala beto kwenda.

Mpe beno lenda banza mutindu tiya ya kele. Kieleka, ya kele na kati ya ntoto ya kuyuma.

¹⁸ Mpe, ntangu yayi, ba-Lumingu tatu yayi ke na kwiza. Bubu yayi, na kilumbu ya kumi na tanu, mu banza, ya kele kieleka, to kumi na sambanu; kumi na tanu, mutindu yina ve? Kumi na nana, mpe makumi zole na nana, mpe Ngonda ya nana ya ntete, (ya kele kieleka?) Ngonda ya nana. Makumi zole na tanu. . . Kumi na nana, makumi zole na tanu, mpe ntete, ya ke vwanda na balukutakanu na tabernacle. Ve, beno zaba, beno mwangisa yawu mingi ve, samu, beno me mona, beto lenda ve kukotisa bayina kele na ngaanda, yina kele awa ntangu yayi, na kati, beno zaba, mpe ya ke vwanda kaka yimbi mingi. Beno vutuka kaka kana beno lenda.

¹⁹ Mpe na yina mu kele awa samu na kuvukisa ba-administrateur. Yina ke pusa munu kieleka na kusala ve lukutakanu, ntangu mu me tumama na kusala yawu. Na yawu mu banza ti mu ke lomba kana beto lenda kaka ve kuzwa tenta ya beto mpe—mpe kutula yawu, mpe kubikana kaka kuna, beno zaba. Kutula yawu awa na lupangu ya base-ball, to kuna na ferme, mpe kunata yawu na kisika mosi mpe yankaka, kaka mutindu Mfumu ke twadisa beto. Mpe mu ke tala ti ya kele yina Yandi ke sala. Beno zaba, ya kele na vision samu na yawu. Mpe mu banza ti ya lendaka vwanda samu na yina yayi ke salama. . . Ntangu yayi, beno zaba, bambala mingi beto ke banzaka ti ya kele yimbi samu ti bima yankaka ke salamaka, kasi, beno zaba, ya lendaka vwanda Nzambi, beno me mona, ke na kunata beno na kati ya bima yayi. Na yina, Yandi tubaka yawu, Yandi ke sala yawu.

²⁰ bankokila fyoti me luta, mingi na kati ya beno, kaka pene ya ngonda mosi ntete beto kwenda na Afrika, mingi ya beno mu banza me kuzwa bande, beno bantu yina ke bakaka ba-bande, na zulu, *Nsodolo Ya Kento Ya Makwela*, yina ba longaka na Californie. Na mwa minuti fioti me luta ya bande yina, mu ke bambuka moyo ve ti mu me vwandaka ntete kuna. Kasi Mpeve ya Mfumu me monisama na ngolo mingi. Mu vwanda fundisa bawu mutindu bawu vwanda zinga mpe vwanda sala, mpe na manima ba longaka mpe samunaka Nsangu ya mbote na ntwala ya bawu mbala mingi. Na yina, na mbala mosi, Mpeve-Santu zonzaka mpe tubaka, “Capernaüm,” beno me mona, “mbanza yina ba ke bokilaka na nkumbu ya bawanzio,” yina kele Los Angeles, “ba me zangula nge tii na Zulu, kasi ba me kulumusa nge na difelo.” Beno me mona? Mpe na yina na manima ya me manisa, mbote, mu vwandaka na ngaanda, mpe Mpangi Mosley mpe Billy vwandaka na munu. Mpe bawu tubaka. . . Mu vutukaka na manima mpe talaka, mpe ntoto ya muvimba vwandaka kaka ya kifuluka na bantu, balongi yina vwandaka dila.

²¹ Mpe mu kwendaka mpe bakaka Masonuku. Mu tubaka, “Ya kele na kima mosi samu na yawu na kati ya Biblia.”

Mpe ya vwandaka Yesu yina vwandaka semba Capernaüm, bambanza nyonso yina vwandaka na simu yina Yandi kwendaka kutala. Na yina, Yandi tubaka, “Capernaüm, ba me zangula nge tii na Zulu, ba ke kulumusa nge tii na difelo.” Yandi tubaka, “Samu ti kana bisalu yina salamaka na Sodome mpe Gomorrhe ti yina salamaka na kati ya nge, ya zolaka zinga tii bubu yayi.” Mpe na ntangu yina, Sodome na Gomorrhe vwandaka na kati ya mubu.

Mpe kaka na manima ya yina, mu banza nkama ya bamvula to kima mosi, na manima ya profesu ya Yesu, Capernaüm, mbanza mosi kaka ya simu yina Yandi kwendaka tala, kuningana ya ntoto dindisaka yawu na kati ya mubu. Mpe beno zaba ti ya vwandaka mvutu ya mbala mosi na Californie, na Los Angeles.

²² Mpe kuna na Tucson kilumbu yina, kaka mutindu mu vutukaka, kuningana ya nene ya ntoto salamaka kuna. Mpe bantu ya science vwandaka tula yawu ndilu na televizio. Ya vwandaka na bazulunale. Ti, ntoto, kilumbu yankaka yina, pasukaka kubanda na Bisanga ya ba-Aleutien, to kubanda na Alaska, pene-pene ya Bisanga ya ba-Aleutien, pene ya bakilometele bankama tatu na kati ya mubu, vutukaka kuna na San Diego, mpe kwendaka pene-pene ya Los Angeles, mpe basikaka kuna na San Diego. Mpe kupasuka yina zibukaka na ba-centimetele mingi. Bayinzo kubwaka. Ba-motel dindaka.

Mpe ba yufulaka kiuvu na muntu ya mayele yina—yina ba bokilaka. Bawu tubaka, “Mbote, yina lendaka kubwa kilumbu mosi?”

²³ Yandi tubaka, “Ya lendaka? Ya ke kubwa!” Mpe yandi sadilaka bankumbu ya bantu ya science samu na kutendula wapi mutindu lave me... Ya kele yina salaka kuningana ya ntoto nyonso yayi, pene-pene ya San Diego mpe kuna na kati. Kisika yina kele kiwanda. Mpe ntangu yayi nyonso ke banda na kudinda, mutindu zyelo, mpe ntangu yayi ya kele kaka mpasi. Mpe ba me katula yawu, ba-centimetre mingi. Bawu lendaka baka radar mpe nyonso, mpe kulanda kupasuka yina, mpe kutenda yawu, kumona kisika ya vwandaka.

Mpe ya me tanduluka dyaka mingi, na ba-centimetele mingi, mu banza ba-centimetele tanu to sambwadi kilumbu yina, dyaka, kaka na manima profesu yina pesamaka.

Mpe bayina vwandaka solola na bantu ya science, tubaka, “Mbote, kieleka ya ke vwanda ve na nsungi ya beto.”

²⁴ Yandi tubaka, “Ya lendaka vwanda na baminuti tanu to na bamvula tanu; kasi ya ke kubwa.”

²⁵ Mama Simpson, mu banza ve ti yandi kele na beto bubu yayi. To, mu ke mona Mpangi Fred ya kuvwanda awa, kasi mu zaba ve kisika Mama Simpson kele. Yandi kwendaka mpe kuzwaka profesu yina mu salaka, pene ya 1935 to kima mutindu yina, mpe tubaka, “Ntangu ke kwiza,” ya kele ya kusonika na kati ya buku

kisika mosi, “ti mubu ke sala nzila ya yawu na kati ya ntoto ya kuyuma.”

Beno tala yina ke salama. Kana na bamafunda ya bakilometele kale kubwa na kati ya ntoto, mpe syelumukaka, ya ke vwanda na mafuku yina ke kufwa na ntangu mosi. Mpe ya ke nata kitembo ya nene! Beno bambuka moyo, tii na Salton Sea, yina kele na bametele makumi tatu to makumi sambanu na nsi ya nivo ya masa. Masa yina ke kwisa kaka tii na Tucson, na kitembo ya nene yina ke kwisa kuna. “Mpe mubu ke sala nzila ya yawu na kati ya ntoto ya kuyuma.”

Bayinsi ke na kupanzana, Israel ke na kuvumbuka,
 Bidimbu yina bapofete ya beto zabisaka na ntwala;
 Ba me tanga bilumbu ya Bantu ya makanda, ba me fuluka na boma;
 “Vutuka, O nge yina me zimbana, na yina ya nge.”

²⁶ Beto kele na ntangu ya nsuka. Ntangu yayi, Mfumu kusakumuna beno kulutila mingi. Mu ke banda na kutuba mpe mu ke zimbana ntangu. Beto ke luta nswalu, na nswalu nyonso, na Seko, na mutindu nyonso.

²⁷ Mpe ntangu yayi na Santu Marc, kapu ya 7 mpe nzila ya 7, samu na kunata masonuku na dilongi yayi mu zola kutanga kaka na Chroniques ya Ntete kapu 13. Samu na kusala dilongi samu na yayi, mu zola kubaka Marc 7:7.

. . .na mpamba ba ke sambila munu, na kulongaka malongi ya misiku ya bantu.

²⁸ Ntangu yayi, mu zaba kima ve kasi Nsangu yina Mfumu me pesa munu, mpe ya kele nyonso yina mu lenda zonzila. Mpe ntangu yayi, mu ke tubila dilongi mosi na suka yayi yina mu banzaka ke vwanda mbote. Mpe na nkokila yayi mu zola kuzonzila, “musuni na nsungi ya kulunga,” kana Mfumu zola: *Madia Ya Kimpeve Na Nsungi Ya Kulunga*, mpe wapi mutindu kuzwa Yawu. Ntangu yayi, na suka yayi: *Kumeka Kusadila Nzambi Kisalu Kukondwa Ya Vwanda Luzolo Ya Nzambi*.

²⁹ Nzambi kele muyadi ya luyalu. Mpe beto ke mona awa yina David salaka, na ntangulu ya Masonuku ya Chroniques ya Ntete kapu 13. Mpe yandi vwandaka . . .Mabanza ya Yandi vwandaka mbote. Kasi Nzambi ke pesaka beto ve bangolo ya mbote. Ya kele kaka na mutindu mosi ya kusadila Nzambi, ya kele na kusalaka luzolo ya Yandi na musiku ya Yandi. Mpe Nzambi, na kuvwandaka muyadi ya luyalu, ya kele ve na muntu yina ke tuba na Yandi yinki kusala to wapi mutindu kusala yawu. Yandi ke salaka yawu, mutindu Yandi zaba mutindu ya kusala yawu. Mpe yina ke salaka munu mbote. Mpe ya fwana sala beto nyonso kuwa mbote, mpe mu ke kwikila ti ya ke sala. Samu ti, mosi zola ti

Yawu kukwiza mutindu *yayi*, mpe mosi ke zola Yawu kukwenda mutindu *yina*, mpe mosi mutindu yankaka.

³⁰ Kasi kima mosi ya nene, diaka, samu na Nzambi, Yandi me bika beto ve, ntangu yayi, kukondwa kuzaba yina kele Kieleka mpe wapi mutindu kusala yawu. Yandi ke vwanda ve ya kusungama, samu na kupesa beto kitumbu na kusalaka kima yina beto me zaba ve wapi mutindu ya zolaka salama, mpe na yina beto ke bula disakuba na kima mosi. Yandi kele ve mutindu yina ya Nzambi. Yandi kele Nzambi yina ke zonzaka Ndinga mpe ke vingila bana ya Yandi kukwikila Yawu. Mpe, na yina, Yandi zaba yina kele mbote mingi, mpe wapi ntangu ya kusala yawu, mpe wapi mutindu ya kusala yawu. Beto kele na mabanza ya beto samu na yawu, kasi Yandi zaba.

³¹ Mpe na yina kana Yandi me yidika systeme mosi, yina Yandi ke sala, mpe tubaka na beto ve yina zolaka salama mpe mutindu ya zolaka salama, na yina beto, ke bwisa na yawu, ke—ke vwanda ya kunungisama na—na kati ya disakuba ya beto; to, na kumekaka na kusala kima mosi, mosi na mosi zolaka vwanda ya kunungisama. Kasi ya kele kaka na mutindu mosi, mpe ya kele Ndinga ya Yandi.

³² Mpe kima yankaka, David awa, beto ke mona yawu na kati ya ntima ya yandi ti yandi zolaka kusala kima yina vwandaka mbote. Yandi vwandaka ve na mitifi ya yimbi, to lukanu ya yimbi ve. Kasi, yinzo, to sanduku ya Mfumu, vwandaka ntama ya bantu, mpe yandi vwandaka zola kuvutula sanduku ya Nzambi na kisika ya yawu, na yina bantu ke yufula Nzambi samu na bima yina bawu zolaka.

³³ Na kisika ya—ya kubika kaka yawu kukwenda, beto . . . Yinki kana Mpangi Blair mpe tata ya mwana ya bakala yayi tubaka, “Mbote, ya kele mpasi mingi, mwana me lwala, yandi me kufwa. Mu banza, kaka kima yina salamaka”? Kasi bawu kwendaka na nswalu na Nzambi.

³⁴ Yinki zolaka salama kana mama yayi ya ntwenya, mpe bakala ya yandi, longi ya Nsangu ya mbote, na mwa bankokila me luta, to bilumbu fioti me luta, ntangu mama yina ya ntwenya lwalaka na colonne, yina me telama . . . Dokotolo tubaka, “Yandi ke ningana diaka ve luzingu ya yandi nionso.” Yinki kana bakala ya yandi mpe yandi tubaka, “mbote, cherie, beto ke lembika ntima samu na yawu”? Kasi na nswalu nyonso bawu salaka kima mosi samu na yawu; bawu kwendaka na Nzambi. Bima yikwa na kati ya Biblia beto lenda talisa, na mutindu ntangu bantu ke kotaka na mpasi, bawu ke talaka na Nzambi!

³⁵ Mbote, na yina, na bilumbu yina, bawu vwandaka kaka na kisika mosi ya kukutana kisika bawu zolaka kutana na Nzambi, mpe ya vwandaka pene-pene ya sanduku, na yisi ya menga. Ya kele kaka na kisika mosi ya kukutana yina me bikana bubu yayi, na yisi ya Menga. Kiti ya kyadi vwandaka ya

kumwangisa na menga, samu na kupesa kyadi na musambidi, to na mulombi, ntangu yandi ke kwiza lomba ndombolo na Nzambi. Mpe Nzambi vwandaka na mutindu ya kuswaswana, mutindu beno fwana kwenda, mpe, samu na yawu, mpe Yandi zolaka ve kundima kima yankaka. Yandi zolaka ve kundima mutindu yankaka; kaka mutindu Yandi kubikaka yawu.

³⁶ Ntama mingi ve mu longaka na zulu ya Nsangu mosi, mingi ya beno zaba Yawu, ti, kisika mosi kaka yina Nzambi yidikaka samu na kukutana na musambidi, kisika yina Yandi tubaka, “Mu ke tula Nkumbu ya Munu.” Kana beto lenda mona dibuundu yina Yandi tulaka Nkumbu ya Yandi kuna, na yina beto kele na kisika yango. Yandi tubaka, “Mu ke sakumuna beno ve na myelo nyonso; kaka myelo yina Mu ke tula Nkumbu ya Munu na kati. Mu ke tula yawu na kisika mosi, mpe beno fwana kukutana na Munu kuna; mpe ya kele kisika kaka mosi Mu ke kutana na beno.” Mpe beto me mona, kuna, kisika Yandi tulaka Nkumbu ya Yandi, mpe ya kele kisika kaka yina Yandi ke kutana na musambidi. Mpe Nkumbu ya Yandi vwandaka Yesu Klisto. Nkumbu ya Nzambi kele Yesu Klisto.

³⁷ Yesu tubaka, “Mu me kwiza na Nkumbu ya Tata ya Munu.” Mwana nyonso ke kwizaka na nkumbu ya tata ya yandi. Mpe Yandi kwisaka na Nkumbu ya Tata.

“Mpe ya kele ve na Nkumbu yankaka na yisi ya Mazulu yina pesamaka na kati-kati ya bantu,” ata ti ba me bokila bawu Methodiste, Baptiste, Presbyterien, dibuundu ya Klisto, nyonso yina ya lendaka vwanaka. Ya kele kaka na kisika mosi ya kukutana yina Nzambi ke kutanaka na muntu, mpe ya kele ntangu yandi kele na kati ya Yesu Klisto, kisika yina kaka. Mpe bima nyonso ya ntama yayi awa na yisi ya Ngwisani ya Ntama, fwanikisaka yawu. Mu zola beno kubakula yawu mbote. Ntangu yayi, ya kele lesu ya lukolo ya Lumingu. Mu kele na mwa Masonuku mpe banoti ya kusonika awa. Mu banzaka ti yayi ke sadisa beno na kubakula, mutindu bima nyonso ya ntama ke salama mutindu bambandu samu na beto.

³⁸ Ntangu yayi, beto ke mona ti Nzambi vwandaka na mutindu ya kusala mambu. Kasi David, sakumukaka na Nzambi, mutindu yandi vwandaka, mpe kumaka ntinu, yandi banzaka ti yandi ke sala kaka kima mosi samu na Nzambi, na mutindu nyonso. Mpe yandi ata mbala mosi ve kwendaka na kutala yawu na mutindu ya kulunga.

³⁹ Beto ke tala, Nzambi ke monisa Ndinga ya Yandi na nsungi ya Yandi Mosi yina ba soolaka ntete. Ntangu yayi, wapi mutindu Martin Luther zolaka zaba Nsangu ya bubu yayi? Wapi mutindu ba-Presbytérien? Wapi mutindu Martin . . . to dibuundu ya Katolika zaba nsangu ya Martin Luther? Wapi mutindu John Wesley zabaka nsangu ya Luther? Wapi mutindu Wesley zabaka nsangu ya Pentecote? To wapi mutindu bantu ya Pantekote

zabaka Nsangu yayi? Beno me mona? Yandi ke monisa Yawu na nsungi ya Yandi, samu ti Yawu kele Nkuna. Mpe mutindu Yawu ke kula mpe ke yela, Yandi ke kukimonikisa Yandi mosi.

⁴⁰ Mutindu ndungutila ya mwini, ke zibulaka yawu. Ntangu ya kele pete mpe ntwenya, ya ke basisa yawu na ntoto, nkuna; na yina ya pesa yawu makasa ya yawu, na kitezo yankaka ya mwini. Mwini ya ngolo ke kufwa yawu kana ya kele nkuna yina ke na kukula... to ntangu ya kukula. Na yawu, Yandi ke yidikaka mwini mpe ke yidikaka yinza, samu na kukutana na Ndinga ya Yandi.

Yandi ke yidikaka Dibuundu, yina ba soolaka ntete, Kento ya makwela, samu na kukutana na nsungi yina bawu ke na kuzinga.

⁴¹ Mpe yinza yawu mosi ke tuba na beto bubu yayi, mutindu beto ke mona bayinsi ke na kupanzana, ntoto ke na kudinda, bisono kele na zulu ya kibaka. Beto ke mona dibuundu mpe mutindu ya kele.

Beto ke mona Kento ya makwela mpe mutindu Yandi kele. Mpe beto zaba, na nzila ya nkadulu, ti Dibuundu ke na kukubama na kukwenda. Wapi ntangu ya nkembo! Ya kele ntangu yina baprofete nyonso vwandaka vingila na kumona, ngunga yayi.

⁴² Ntangu yayi, Yandi ke monisa kaka Ndinga ya Yandi na nsungi ya Yawu. Martin Luther tangaka Biblia mosi yina beto tangaka. Wesley tangaka Biblia mosi yina Martin Luther tangaka. Ba-Pentecotiste tangaka Biblia mosi yina beto tangaka. Yesu tangaka Biblia mosi yina ba-Pharisien tangaka, kasi bawu vwandaka... Na kumekaka na kubumba disangu na kitezo ya ntete, ntangu ya vwandaka kukula, bawu lembanaka na kumona ngunga ya bawu.

Ntangu yayi David me sala kima mutindu mosi awa.

⁴³ Nzambi ke monisa Ndinga yayi na nsungi, mpe na yandi yina Yandi solaka na kumonisa Yawu. Nzambi soolaka na nani Yandi ke monisa Yawu. Yandi solaka yawu na ntwala ya mbandukulu ya yinza. Bisalu nyonso ya Yandi vwandaka ya kuzabana na nzila ya Yandi, ya vwandaka ya kubumbama na muntu. Yandi ke monisa yawu kaka mutindu Yandi zola. Ya kele nsungi ya Yandi yina soolamaka, muntu ya Yandi yina ba soolaka. Mpe Yandi solaka ata fioti ve kimvuka mosi to kinzambi-nzambi mosi; ya kele muntu yina ba soolaka, tala mutindu Yandi ke salaka yawu.

⁴⁴ Nani ya kele yina ke meka na kusungika Yandi, mpe ke tuba, "Ntangu yayi, Mfumu, Nge me sala foti na kutulaka bakala yayi na ministele. Bakala yayi ke kwikilaka ve mutindu beto ke kwikilaka"? Nani ke tuba na Nzambi ti Yandi kele na foti na kusalaka yawu? Ya ke lomba muntu yina kele na mwa mingi ya bumpumbulu kulutila munu, na kutuba na Yandi yawu. Yandi zaba yina Yandi ke na kusala. Yandi zaba nani kusoola mpe

nani kusoala ve, yinki kusala mpe na wapi ntangu kusala yawu. Ata yinki mutindu beto ke banza ti muntu mosi me lunga na kusala kusalu mosi, Nzambi zaba nani kele ya kulunga samu na ntangu mpe nsungi, to ntangu mpe ntangu ya mbote samu na kusala yawu.

⁴⁵ Mpe Muklisto ya kieleka, ya kieleka; mukwikidi ya kieleka, ya kieleka na Nzambi, ke vingilaka na Mfumu samu na bima yayi. Beno vingila ministere ya beno. Kana beno ke kuwa lubokilu, beno vwanda ya kundima kieleka ti ya kele Nzambi. Beno vwanda ya kundima kieleka ti ya kele kieleka. Beno vwanda ya kundima kieleka ti ya kele ntangu yina beno ke na kutuba. Biblia ke tuba, “Bayina ke tulaka ntima na Mfumu ke vutula ngolo ya bawu. Bawu ke mata mongo na mapapu mutindu ngononi. Bawu ke kima mbangu mpe ke lemba ve. Kana bawu tambula, bawu ke lemba ve.”

⁴⁶ Beno tala David, ntinu ya Israel, kaka ya kupakulama. Samuel tsyamunaka mafuta na zulu ya yandi, mpe ba soolaka yandi na Nzambi, samu na kuvwanda ntinu ya Israël. Mpe David bakaka luzayikisu yayi, samu na kunata sanduku ya Mfumu tii na mbanza ya David. Ntangu yayi, ya kele ve na kima ya yimbi, kasi, beno me mona, David kwendaka na yawu na nzila ya yimbi.

⁴⁷ Ntangu yayi, ya ke talana mutindu kana muntu mutindu yina ke kuzwa luzayikisu, muntu ya nene mutindu ntinu ya Nzambi yina ba soolaka, ntinu ya kulutula nene yina me zingaka ntete ve na zulu ya ntoto, na ngaanda ya Klisto, mu banza, vwandaka David, samu ti Klisto kele Mwana ya David. Ntangu yayi, muntu ya kulutula nene, yina me pakulama ya malu-malu yina me katuka na Mvwandulu ya kieleka ya Nzambi, kuzwaka luzayikisu ya kusala kima mosi samu na Nzambi, mpe zolaka kusala yawu samu na Nzambi; kasi luzayikisu vwandaka yimbi. Ntangu yayi, yina kele kima ya nene. Ya ke wisana na dilongi ya beto: *Kumeka Kusadila Nzambi Kisalu Kukondwa ba Bokila Beno Na Kusala Yawu.*

⁴⁸ Beno tala, David kuzwaka luzayikisu. Mpe beno tala, ya vwandaka ve profete, Nathan, yina kuzwaka luzayikisu. Ya vwandaka David, ntinu, yina kuzwaka luzayikisu. To dyaka ya vwandaka ve Nathan yina ba yufulaka samu na yawu. Yandi yufulaka ata fioti ve Nathan. Kasi beno me mona awa, na ba-Chroniques ya Ntete, yandi yufulaka mafunda ya bakapitene, mpe bankama ya bakapitene? Yandi yufulaka ata fioti ve Nathan. Yandi yufulaka bantu, mpe yandi yufulaka dyaka banganga-nzambi mpe ba-théologien ya kilumbu yina, misoniki mpe ba-théologien. David yufulaka ntete, yandi tubaka, “Kana yawu, yayi, ke vwanda ya Nzambi, beto kwenda kuna mpe beto nata sanduku ya ngwisani ya Nzambi ya beto, kuna na mbanza, mpe beto yufula Nzambi ntete beto sala bima.”

49 Kasi yandi tubaka, na bilumbu ya Saul, “Bawu bikaka kuyufula Nzambi, na nzila ya sanduku, Urim, Urim Thummim. Bawu bikaka kusala yawu.”

David tubaka, “Ntangu yayi beto vutuka na Nzambi, beto nionso! Beto vutuka na kima ya kieleka. Beto kwenda kuna mpe beto baka sanduku mpe beto nata yawu awa, beto nata Mvwandulu ya Nzambi,” na nzonzolo yankaka, “na kati ya mbanza. Beto sala reveil mosi. Beto vutula bantu.” Kasi yandi kuzwaka luzayikisu, yina monanaka ti ya vwandaka mbote, kasi ya vwandaka ve luzolo ya Nzambi.

50 Na kisika ya kuyufula yinto yina yandi zolaka yufula, yandi yufulaka bakapitene ya yandi, samu yandi kumaka kaka ntinu. Mpe yandi landaka nzila yina ya mbanzulu, yina, ya bakapitene ya yandi ya chef mpe bantu ya yandi ya nene.

51 Na yina yandi kwendaka na dibuundu ya nkumbu mpe yufulaka kana bawu lendaka kuzwa reveil yango. Banganga-Nzambi, bansoniki, mafunda ya bakapitene, bankama ya bakapitene, mpe yandi yufulaka bawu. “Yayi kele luzolo ya Mfumu?” Mpe bawu tubaka ti ya vwandaka mutindu yina. Kasi, beno me mona, yandi kondwaka na kuyufula yinto ya kieleka yina Nzambi ke sadila ntangu nyonso. Beno me mona, yandi kondwaka na kusala yawu.

52 Ntangu yayi dibanza ya yandi vwandaka mbote. Mitifi ya yandi vwandaka mbote. Lukanu ya yandi vwandaka mbote, mpe samu na kunata reveil na mbanza, samu na kuvutula bantu na Nzambi, kasi yandi yufulaka ata fioti ve mutindu Nzambi tubaka na yandi na kusala yawu, beno me mona, ata ti bantu nyonso ndimaka, mpe banganga-nzambi mpe ti ntinu vwandaka ya kusungama: Ba vwandaka na nsatu ya kuvutula sanduku na kati ya mbanza; ntangu yayi, ba vwandaka na nsatu ya Mvwandulu ya Nzambi; ba vwandaka na nsatu ya reveil.

53 Kasi, Nzambi silaka ve na kumonisa Ndinga ya Yandi, na nsungi ya Yawu, na bantu. Yandi silaka ata fioti ve na kumonisa Yawu na ntinu, na nsungi yina. Nzambi ke sobaka ve, ata fioti. Yandi silaka ve na kusala yawu.

54 Wapi mutindu ya kele na kieleka, mpe wapi mutindu ya kele bamitifi ya mbote, mpe wapi mutindu ya kele na balukanu ya mbote, mpe wapi mutindu bantu ke zolaka bima yina mpe ke mona nsatu ya yawu, ya kele na luzolo ya Nzambi yina ba fwana landa na bima yayi. Ya kele yina mu zola kukota, samu ti mu zola kusala yayi samu ti beno mona yawu kana—kana Mpeve ya Nzambi ke zinga na kati ya beno. Mpe ya kele samu na yina mu me baka ntangu mingi awa. Ya kele ve samu na kubaka ntangu ya beno bantu yina kele na alo-alo, mpe na bansinga ya alo-alo, kasi mu—mu zola ti beno mona yawu. Kana ntangu ya beno me luta, na yina beno baka bande. Ti kuna . . .

55 Ata ti ya kele mfunu, wapi mutindu bantu me wisana ti ya kele mfunu, wapi mutindu ya kele Kieleka, ya kele dyaka na kima mosi ya kutala. Ya kele luzolo ya Nzambi?

Ntangu yayi, ata mbala mosi ve Nzambi silaka ti Yandi ke monisa binsweki ya Yandi na bantinu ya Yandi, Yandi ke monisa binsweki ya Yandi na bantu ya Yandi.

56 Kima mutindu ntangu ya Michée, mwana ya Jimla. Na yina beto ke katukila ve, masonuku ya beto, kasi kusoba ntangu, samu na kunata yayi mpe kukumisa yawu kieleka samu na beno, ya kieleka samu na beno, samu ti beno kondwa yawu ve.

57 Ya vwandaka, na bilumbu ya Michée. . . Yandi vwandaka muntu ya mputu, mpe yandi katukaka na dibuta ya bamputu. Kasi, Achab, ntinu ya Israel, mutindu yinsi vwandaka zitisa Nzambi, yandi tulaka na lweka lukolo mosi mpe yidikaka baprofete yina ba soolaka, yina ba lengulaka mbote-mbote, mpe kuzwaka bankama yiya ya bawu na lukolo mosi. Mpe bawu vwandaka bantu ya nene. Bawu vwandaka ve baprofete ya luvunu. Bawu vwandaka baprofete ya ba-Hebreux, bantu ya kieleka. Mpe bawu yufulaka Mfumu na nzila ya bantu yayi. Mpe bawu pesaka profesi. Kasi, beno me mona, ntangu kumekama ya kieleka kwizaka, bawu nyonso vwandaka na ngaanda ya Ndinga mpe luzolo ya Nzambi. [Kisika ya mpamba na bande—Mu.]

58 Josaphat kulumukaka na Jérusalem samu na kukutana na ntinu Achab, mpe bawu lwataka bilele ya bawu, mpe bawu tulaka bawu na—na mwelo, mpe basisaka baprofete na ntuala ya bawu. Ntete, Achab tubaka, “Beto kele na kisika awa na Ramoth na galaad yina kieleka kele ya beto.” Ntangu yayi, ya kele MUTINDU ME TUBA MFUMU. Josué kabulaka yawu samu na bantu mpe pesaka bawu yawu, kasi ba-Philistin botolaka yawu.

Mpe tubaka, “Bana ya beto kele na nsatu ya dimpa, mpe beto kele ve na yinsi mingi samu na kusala dimpa. Mpe mbeni ya beto, ba-Philistin, ke disaka bana ya bawu, mimpani, na ntoto kaka yina Yehowa Nzambi pesaka beto.” Ya kele kieleka ya kusungama. Mpe yandi tubaka, “Oh, beto, bantu ya Nzambi, kele ya kuvwanda awa na bana ya beto, na nsatu, mpe mbeni ya beto ke na kudasika bana ya bawu na ntoto yina Nzambi bokilaka beto na kubasika na Egypte mpe pesaka yawu na beto.” Yina ke nata kudasuka na théologien, mutindu yina ve? Yandi tubaka, “Beto ke mata mpe ke baka ntoto ya beto yina Nzambi pesaka beto?”

59 Josaphat tubaka, “Yinga, mu ke sadisa nge. Beto kele bampangi. Nge kele na Juda, mpe mu kele na—mu kele na Jérusalem.” To—to, ya vwandaka mutindu mosi to yankaka? Mu banza. . . Ve, ya kele kieleka. Mu banza ti ya. . . Josaphat.

Na yina, Josaphat vwandaka muntu ya mbote, ntinu, muntu ya kusungama yina zolaka Mfumu. Achab vwandaka mukwikidi ya tiya ve madidi ve. Na yawu bawu nataka bawu kuna, mpe

Josaphat tubaka, “Beno kuwa, beto yufula Mfumu, ntete. Beto fwana tala yayi.” Benoit me mona, kana David salaka yina Josaphat salaka! Yandi tubaka, “Beto lenda ve kusala yayi?”

Mpe na nswalu, na kuvwandaka Israelite, Achab tubaka, “Kieleka. Mu kele na bankama yiya ya ba-Hébreux, mutindu beto kele, baprofete ya ba-Hebreux ya organisation ya beto mosi. Mpe mu ke yufula bawu. Ba kele baprofete.” Ntangu yayi, benoit me mona, kaka . . .

⁶⁰ Benoit ke tuba, “Yina ke niongisa munu, Mpangi Branham. Profete?” Oh, yinga. Ya vwandaka na mosi na ntangu ya Jérémie, yina tubaka ti bawu ke vwanza kaka kuna bamvula zole. Mfumu tubaka na Jérémie, “bamvula makumi sambwadi.” Yandi tulaka kizitu na nkingu ya yandi, mpe profete zengaka yawu, Hanania. Kasi benoit zaba yina salamaka na yandi. Oh, yinga. Benoit fwana bikana na Ndinga.

Na yawu baprofete yayi kwizaka mpe pesaka profesi, mpe tubaka, “Mata! Mfumu kele na nge.”

⁶¹ Mpe mosi ya bawu, mu banza (mu me zimbana nkumbu ya yandi ntangu yayi) mfumu, Sédécias, mu banza, yandi tubaka, yandi tulaka mampoka zole ya kisengo mpe tubaka, “**MUTINDU ME TUBA MFUMU.** Na yayi,” ntangu yayi bakala yina vwanza ya kusungama, “nge ke vutula mbeni ya nge na ntoto ya bawu, mpe nge ke baka yina kele ya Nzambi. Ya me pesama na nge.” Mu ke kwikila ve ti yandi vwanza muntu ya luvunu. Mu ke kwikila ti yandi vwanza muntu ya mbote. Mu ke kwikila ti baprofete nyonso yina vwanza mutindu yina.

⁶² Benoit ke tuba, “Baprofete?” Yinga! Benoit bambuka moyo, muntu yina ndimaka na kufwa Yesu Klisto, pesaka profesi, samu ti ya vwanza kisalu ya yandi. Yandi vwanza nganga-Nzambi ya mbuta na mvula yina. Mpe na yina yandi vwanza na kisalu yina, mpe yandi salaka kisalu yina, Mpeve ya Nzambi kwisaka na yandi. Yina zolaka ve kutuba ti yandi kuzwaka mpulusu to kima mosi samu na yawu. Mpe yandi pesaka profesi, Caïphe, samu ya vwanza kisalu ya yandi yina salaka yawu.

⁶³ Mpe baprofete yayi, na kuvwandaka baprofete, na kisalu ya profete, pesaka profesi. Mpe Mpeve ya Nzambi kwizaka na zulu ya bawu, bantu na makabu ya Kimpeve.

⁶⁴ Mu zaba ti mu ke na kuzonza na makumi yivwa na yivwa na zulu ya nkama mosi ya ba-Pentecotiste. Kasi bantu bambala mingi, muntu, Nzambi lenda sala na bawu, kupesa bawu dikabu mosi, mpe bantu ke banda na kupusa bawu. Kana ba me bokila bawu ve na mutindu ya kulunga mpe ba me tinda bawu ve na Nzambi, ya ke sala ti bakala yina to kento yina kutuba kima yina kele ve luzolo ya Yandi, samu ti bantu ke pusa bawu na kusala yawu.

⁶⁵ Mutindu mu zolaka semba pasteur ya beto mosi awa samu na yawu. Kuna na kati ya bamfinda na suka mosi, pene ya ngunga

tatu na suka, yandi tubaka, “Kwenda tuba na Mpangi Neville!” Mu kwizaka na nge, mutindu yina ve, Mpangi Neville?

⁶⁶ Bantu nyonso, “Mpangi Neville, pesa profesu na zulu ya munu. Tuba na munu *yayi to yina*.” Beno me mona? Beno ke pusa yandi na kutuba bima yina ke salama ve.

“Bayina ke vingilaka,” samu na kutala yina Mfumu zola kusala. Beno me mona?

⁶⁷ Na yawu bantu yayi talaka yawu na mutindu ya kimuntu, “Ya kele ya beto.” Kasi, beno me mona, bawu monaka ve Ndinga mpe luzolo ya Nzambi.

⁶⁸ Na yina Michée kulumukaka, mpe yandi kuzwaka vision. Yandi fyongoninaka, ntete, beno ke mona. Yandi tubaka, “Vingila. Pesa munu nkokila yayi. Bika mu tala, mpe mbasi mu banza ti mu lenda pesa nge mvutu.” Yandi vwandaka ve kaka na nswalu, “MUTINDU ME TUBA MFUMU,” mutindu, samu na kuwisana na baprofete yankaka yina. Yandi tubaka, “Mu ke tuba kaka yina Nzambi me tuba.”

Mpe kilumbu yina landaka, beto talaka, Nzambi tubaka na yandi yina ke salama. Mpe ya vwandaka kieleka ya kuswaswana na bayankaka. Lukolo ya muvimba, ya vwandaka ya kuswaswana. Mpe mosi ya bawu belamaka mpe bulaka yandi mbata na kizizi, samu na yawu. Kasi, beno me mona, yandi vingilaka. Na yina ntangu yandi salaka yawu, yandi fwanikisaka profesu ya yandi, vision ya yandi, na Ndinga yina me sonama, mpe yawu vwandaka ya kusungama na Ndinga.

⁶⁹ Ntangu muntu mosi ke tuba ti bawu “kele na luzayikisu ya kubotika bantu na Nkumbu ya “Tata, Mwana, Mpeve-Santu,” yina kele ya kuswaswana na Ndinga. Ata muntu mosi ve ya bantu yankaka salaka yawu. Ntangu bawu ke tuba, ti, “Oh, beto ke telama, mpe *yayi, yina*, mpe *yankaka*,” mpe nyonso yina, yina kele ya kuswaswana na Ndinga. Ntangu bawu ke tuba ti bawu “ke kwikilaka ve nkuna ya nioka,” yina me swaswana na Ndinga. Bima nyonso yankaka yayi, yina kele ya kuswaswana na Ndinga. Ya fwana wanda na Ndinga mpe na nsungi.

⁷⁰ Ntangu yayi, kana David zolaka sala kaka yawu. Sanduku zolaka kwiza, kasi na ntangu yina ve; ya vwandaka ve na kisika samu na yawu.

⁷¹ Beno tala ntangu yayi ntangu bawu kulumukaka samu na kubaka sanduku, bantu ya lukumu nyonso tubaka, “Yina kele kima ya kusala, David. Nkembo na Nzambi! Beto kele na nsatu ya reveil.” Yina vwandaka kieleka Pentecote, bubu yayi; ba-Baptiste, ba-Presbytérien. “David, nge kele ntinu ya beto! Beno nyonso . . . Kapitene *Kingandi*, mpe Major *Kingandi*, mpe Général *Kingandi*, ke vwanda na lukutakanu ya beno. Na yina, ba ke tuba ti ya kele kaka kima ya kusala, David. Yinsi ya muvimba kele na nge.”

Yawu yina diambu bubu yayi. Mu ke zola ve kizunga. Mu ke zola Nzambi, ata ti ya kele ve na muntu yankaka yina ke simbisa yawu.

⁷² David vwandaka na bakapitene nionso. Yandi vwandaka na nsimbisi ya bamfumu ya basoda. Yandi vwandaka na lusalusu ya ba-denomination nionso, ya ba-théologien nionso, na nionso, muntu nionso vwandaka wisana na yandi. Mutindu mosi salaka Achab, mpe bayankaka na kati ya Masonuku; kasi yandi vwandaka ve na Nzambi, samu ti yandi vwandaka na ngaanda ya luzolo ya Nzambi. Mu banza ti beto me bakula yayi.

⁷³ Beno tala, bawu salaka kima nyonso ya nsambulu yina bawu lendaka. Mu banza bawu tulaka baluzabusu mpe nyonso, “Réveil ya nene! Sanduku ke vutuka. Beto ke kuzwa réveil. Beto ke sala *yayi*.”

⁷⁴ Beno tala, yandi fidisaka bayimbi. Yandi fidisaka bantu na ba-harpe, na bampungu, mpe bawu salaka kima nyonso ya nsambulu yina bawu zabaka na kusala; mpe dyaka Nzambi vwandaka ve na kati ya yawu.

Beto ke mona ti ya ke vutukila dyaka, mutindu yina ve?

⁷⁵ Bawu bakaka bayimbi nyonso. Bawu bakaka ba-harpe, mibudi ya mpungi; bakento, babakala, mpe muntu nyonso yina ya vwandaka yina vwandaka yimba. Bawu nataka bawu nionso kuna, mpe bawu landaka ntambulu nionso ya nsambulu.

Mu zola ve kutuba yayi, kasi mu fwana tuba yawu. Mutindu yina kele ba-denomination ya bubu yayi, ba-Pentecotiste mpe nionso, ba ke na kulandila ntambulu mosi ya nsambulu, ya kuyimba mpe kuboka.

⁷⁶ Beno tala, David bokaka na ngolo ya yandi nyonso, mpe yandi bokaka, mpe yandi dumukaka, mpe salaka bisalu nionso ya nsambulu yina ya lendaka; mpe dyaka Nzambi vwandaka ve na kati ya yawu. Mpe mitifi ya yandi, mpe lukanu ya yandi, mpe bima nionso vwandaka ya kusungama; kasi yandi kwendaka nzila ya yimbi na yawu. Beno me mona? Yandi salaka bima nionso ya nsambulu; yandi bokaka, yimbaka, yandi vwandaka na bayimbi ya nene, bantu ya nene yina vwandaka boka, bima yankaka. Bawu binaka na kimpeve. Bawu salaka nyonso yina vwandaka ya musambidi.

⁷⁷ Ya kele kima mutindu balukutakanu ya beto ya nene ya ntangu ya beto. Bawu zola nunga yinza samu na Klisto. Ya kele ve na kima ya mutindu yina. Ba-reveil ya nene ya yinsi, bima ya nene vwandaka salama; kana bawu lendaka kaka kubakula, kilumbu yina me luta. Ba me fundisa yandi. Kasi ba vwandaka sala, balukutakanu, ba-organisation, mpe nionso yina. Kasi, bandandu kele kaka mutindu ya vwandaka na ntangu ya David, ya simbaka ve.

⁷⁸ Beto ke kwenda mpe beto ke kuzwa réveil. Ba-évangéliste ya beto ya nene, ba ke tuba ti ba ke na mafunda makumi tatu ya bandimi, na basabala sambanu; mpe mvula mosi na manima ya yina, ba ke vutuka, ba ke mona ve makumi tatu. Ya kele na kima mosi ke tambula mbote ve. Yinki ya kele, ya kele kaka kima mosi mutindu David salaka. Bantu ya nene ya lukumu, bantu ya nene, milongi ya nene, balukolo ya kulutila nene, lutumu ya nene, kasi kaka ba ke na kuyulaka denomination ya ntama na kisika ya kutala na kizizi ya Ndinga ya Nzambi mpe kumona ntangu nsungi yango me lunga. Beno lenda kaka kusansa madia yankaka na mwa bantangu ya mvula.

⁷⁹ Ntangu yayi beto mona yina salamaka. Ata ti bawu... Emotion ya bawu ya nsambulu mpe bima vwandaka nene, mabanza ya bawu vwandaka nene, lukutakanu ya bawu vwandaka nene, bawu vwandaka yimba minkunga ya nene, makinu ya bawu vwandaka nene, kuboka ya bawu vwandaka nene, muziki ya bawu vwandaka nene, mpe bawu vwandaka na sanduku. Wapi mbote kele sanduku kukondwa Nzambi? Ya kele kaka bwati ya mabaya, na bamesa zole ya matadi.

Ya kele mutindu kubaka kominyo, na kuvwandaka ya kubotama. Wapi mbote ya ke sala na kuzwa mbotika kana beno me balula ntete ntima ve? Wapi mbote ya ke sala, kubaka kominyo, kukuma muntu ya luvunu, kana beno zinga ve luzingu mpe beno ke kwikila Ndinga ya Nzambi nyonso yankaka? Beno ke baka kitini ya Yawu, mpe nionso ya Yawu ve, ya ke talisa ti ya kele na kima mosi ke tambula mbote ve.

⁸⁰ Ntangu yayi, ntangu nionso yayi ke salama, beto tala ntangu yayi yina ke salama ntangu Nzambi, mpe nsungi ya Yandi mpe ntangu ya Yandi, ba ke talaka yawu ve; kaka dibanza ya bantu.

⁸¹ Bantu mingi me tuba na munu, “Samu na yinki nge lenda kwiza awa ve mpe kusala lukutakanu? Mbote, beto ke bokila nge. Siniye *yayi, yina, to yankaka.*”

Beno vingila! Beno lendaka zola yawu, kasi yinki Nzambi ke tuba samu na yawu? Bantu mingi me tuba na munu... Mu kuzwaka lubokilu, mu vwandaka na masolo, na masolo ya kingenga mpe nionso yina, bawu vwandaka vingila mvula mosi. Beno vingila! Wapi mutindu mu ke zaba yinki ya kutuba tii Nzambi ke tuba na munu yinki ya kutuba? Beno me mona, beno fwana vingila! Ya kele samu na yina mu tubaka, “Beno sonika yawu. Beno bika mu tala yina Yandi ke tubaka.” Beno me mona? Beno vingila! “Bayina nionso ke tulaka ntima na Mfumu ke vutula ngolo ya bawu.” Ya kieleka?

⁸² Beno tala, bawu yufulaka kaka banganga-Nzambi ya kilumbu yina, ba-théologien, ba-denomination. Mpe beno tala, na kusalaka yina, na kuyufulaka banganga-Nzambi mpe na kuyufululaka dibuundu, na kuyufulaka bantu, bawu salaka yimbi.

⁸³ Beno tala, sanduku vwandaka Ndinga. Beto zaba ti ya kele kieleka. Samu ti, sanduku kele Klisto, mpe Klisto kele Ndinga. Beno me mona? Sanduku, to Ndinga, ba tulaka yawu ve na kisika ya yawu ya ntete, ya kisina, na kisika ya zolaka vwanda. Oh, beno kondwa ve na kubakula yayi, dibuundu!

Nyonso vwandaka ya kulunga, mpe nyonso vwandaka talana mbote, mutindu réveil ya nene vwandaka kwiza; kasi samu ti bawu kondwaka na kuyufula muntu ya kieleka samu na yawu! Bawu yufulaka banganga-Nzambi, bawu yufulaka bantu ya lukumu, bawu yufulaka ba-théologien, bawu yufulaka bayimbi, mpe bawu vukanaka kintwadi, mpe organisation ya nene ya basoda, mpe diaka bangolo ya yinsi. Nyonso vwandaka na ngwisani samu na lukutakanu ya nene, kasi bawu lembanaka na kuyufula Nzambi. Mutindu mosi salaka Achab, mutindu mosi salaka bayankaka. Wapi ntangu yayi!

⁸⁴ Ntangu yayi beno kondwa yayi ve. Ba lembanaka na kuzwa yawu, samu ti ba yufulaka konseye ve. Mpe na kusalaka yawu . . . Beno tala mbote. Na kukwendaka na banganga-Nzambi, na kukwendaka na ba-théologien, mpe na kukwendaka na basoda, mpe bawu talaka ve munati-nsangu ya bawu yina Nzambi fidisaka na ngunga yina, Nathan, bawu salaka yimbi. Bawu kwendaka mpe bakaka sanduku mpe tulaka yawu na zulu ya pusu ya malu-malu, tulaka yawu na zulu ya pusu ya malu-malu, to, “dénomination ya malu-malu yina ke banda,” mpe ve na zulu ya bantu yina Nzambi pesaka, tumaka samu na kunata yawu. Ba zolaka kunata yawu na zulu ya mapeka ya ba-Levite. Kasi, beno me mona, ntangu beno ke banda yimbi, beno ke landila na yimbi.

⁸⁵ Kana disasi zolaka vwanda ya kuludika na dikani, mpe beno ningisa awa canon na bametele nkama mosi, na kubanda, beno ke vwanda na bacentimetele kumi to kumi na zole na lweka. Beno bandaka yimbi.

⁸⁶ O Nzambi, sadisa beto na kuzaba ti kima yayi me banda yimbi, lukutakanu yayi ya nene ya ngunga, mutindu ba ke bokilaka yawu. Ba me yufula Nzambi ve samu na yawu. Ba yufulaka Banganga-Nzambi mpe misambidi. Ba yufulaka ba-organisation. “Mbote, nge ke kuzwa *yayi-mpe-yayi*? Mu banza, kana beto lenda vukisa bantu nyonso kintwadi!” Beno vukisa ve muntu nyonso kintwadi. Beno baka kaka Ndinga ya Nzambi samu na yawu.

⁸⁷ Na yina beto ke mona ti, ntangu bawu ke sala mutindu yina, yinki bawu ke salaka? Bawu ke landila kaka na kukwenda na dinaka ya bawu ya ntama ya musambidi, yina kele na ngaanda ya Ndinga ya Nzambi mpe luzolo ya Nzambi. Bima yayi ya ntama ya kufwa, bamvula me luta, yumaka.

⁸⁸ Yawu yumaka na bilumbu ya Mfumu Yesu. Bawu zabaka yawu ve. Yandi tubaka, “Kana beno zabaka Moise, beno zolaka zaba Munu, samu Moise tubaka ti Mu ke kwisa.”

Yandi tubaka, “Batata ya beto kudiaka mana na ntoto ya kuyuma.”

⁸⁹ Yandi tubaka, “Bawu nyonso me kufwaka!” “Bampofu,” Yandi bokilaka bawu, ba-Pharisien, bantwadisi ya misambidi. “Kana ti beno ke kwikila ve ti Mu kele Yandi, beno ke kufwa na masumu ya beno.” Kasi bawu salaka yawu ve. Bawu vwandaka mingi ya kuvwanda na banzila ya bawu. Bawu zolaka kuzwa yawu mutindu ya bawu.

⁹⁰ Ya kele mutindu David salaka yawu. Yandi kuzwaka yawu na mutindu ya yandi, na yawu yandi tubaka kaka, “Beno zaba yina mu ke sala? Beto ke kwenda na ntwala.” Yandi vwandaka na luzayikisu. “Beto ke na kwenda na ntwala ntangu yayi, na yawu beto ke sala yawu mutindu yankaka. Bilumbu ya bimangu me luta, na yina beto ke sala kaka organisation yankaka. Beto ke tunga pusu ya malu-malu, beto ke lakisa bawu kima ya malu-malu yina me banda.” Wapi profesi yayi ya luvunu!

⁹¹ Beno fwana vutuka mutindu Nzambi tubaka na kusala yawu. Bawu tulaka yawu na zulu ya mapeka ya ba-Levite, mpe yina vwandaka na zulu ya ntima. Sanduku, Ndinga, ba ke nata yawu ve na zulu ya denomination ya malu-malu, na zulu ya mabanza ya muntu mosi, kasi na kati ya ntima. Ndinga ya Nzambi ke simbama ve na maboko ya ba-denomination; Ba ke simba yawu na ntima ya muntu, kisika Nzambi lenda kota kuna mpe kumonisama Yandi mosi. Mpe kana yandi monisa yawu landila Ndinga, ya kele Nzambi; kana ya kele ve mutindu yina, ya kele Nzambi ve.

Mpe, na manima, ya fwana vwanda Ndinga ya nsungi yina! Kieleka, Pharisien lendaka tuba, “Nani me tuba na beto ti beto lenda ve kusala *yayi* mpe kusala *yina*? Moise pesaka beto bantumunu yayi.”

“Kasi Moise mpe tubaka . . .”

Satana tubaka, “Kasi, ya kele ya kusonika, ‘Yandi ke pesa Yandi Baw- . . .’”

⁹² “Mpe ya kele mpe ya kusonika,” tubaka Yesu.

Nsungi, ntangu! “Kana beno zabaka Moise! Beno kele na mosi yina ke fundisa beno, Moise. Kana beno zabaka Moise, beno zolaka zaba Munu,” Yandi tubaka, “samu Moise sonikaka samu na Munu. ‘Mfumu Nzambi ya beno ke basisila beno Profete mosi na kati ya beno, na kati ya bampangi ya beno; Yandi ke kuwa.’” Kana bawu zabaka Moise, bawu zolaka zaba Yandi.

⁹³ Ntangu yayi beno kuwa mbote, beno kuwa, beno kondwa yayi ve ntangu yayi. Beno me mona, kima ya ntete, ntangu bawu yufulaka banganga-Nzambi, bawu yufulaka bantu ya lukumu, bawu yufulaka basoda, bawu yufulaka mabuundu nionso, bamfinangani, samu na kuvwanda kintwadi samu ti lukutakanu yayi ya nene kukwiza, bawu kondwaka na kusala yawu mbote.

Bawu yufulaka Nzambi ve. Mpe, na kusalaka mutindu yina, kuvutuka ve mpe kumona wapi ntangu ya vwandaka!

⁹⁴ Oh, mpangi-bakala, beno kuwa. Wapi ntangu beto ke na kuzinga? Yinki kele nsungi? Wapi ngunga yina beto kele? Ya kele ve ntangu samu na bima yayi yina ba ke na kuzonzila. Ya me luta. Lufundusu me belama ntangu yayi. Beno lenda mona yawu ke zibuka. Beno ke bambuka moyo na ditadi na zulu ya mongo? Ngunga ya lufundusu! Beno ke bambuka moyo na luzayikisu, to vision ya Kento ya makwela? Bumba Yandi na kati-kati ya nzila. Bika Yandi ve kubasika na nzila.

Beno tala, “Na zulu ya mapeka ya banganga-Nzambi!”

⁹⁵ Mpe David mpe banganga-Nzambi nionso, yina zolaka zaba kulutila mingi, kasi yinki ya vwandaka? Banganga-Nzambi zolaka zaba kulutila mingi. Bansoniki, ba-théologien, zolaka zaba kulutila mingi, samu ti Ndinga tubaka ve na kusala yawu.

⁹⁶ Mpe bubu yayi ntangu bawu zola kutuba, “Oh, Yesu Klisto kele ve mutindu mosi mazono, bubu yayi, mpe kukonda nsuka. Ya kele télépathie mentale. Ya kele *yayi, yina, to yankaka.*” Bawu lembanaka na kumona Ndinga ya nsilulu. “Oh, yina vwandaka kilumbu yina me luta.”

David tubaka, “Oh, mbote, ntangu yayi beno vingila fyoti. ‘Na zulu ya mapeka ya—ya banganga-Nzambi,’ yina vwandaka kuna ntangu Moise basikaka. Kieleka, beto, beto ke tula yawu na pusu ya malu-malu bubu yayi. Mu kele na luzayikisu ya yawu.”

⁹⁷ Banganga-Nzambi tubaka, “Amen, David!” Beno me mona, na yisi ya lutumu ya conseil oecuménique ya bawu ya malu-malu, nyonso zolaka vwanza kintwadi mpe kusala mutindu *yayi* mpe mutindu *yina*, ya kele yina salaka ti banganga-Nzambi kubula disakuba. Ata mbala mosi ve ti bawu yufulaka muntu ya kieleka. Bawu salaka yawu mbote ve, na yawu bawu kotaka na kati ya mpasi. Yinga.

⁹⁸ Mu ke na boma, na bima mingi bubu yayi... Ntangu mulongisi ya nene, mosi ya bantu ya Pentecote ya kulutila nene, telamaka na ntwala ya kimvuka ya misambidi na nkokila yankaka yina na Chicago, Mu zolaka vwanza na lukutakanu yina na Bantu ya Mumbongo, kasi mu banzaka ti mu ke vwanza na Afrika na ntangu yina, kasi mu me vutuka kaka kilumbu na ntwala yawu kubanda, mpe bawu solaka mayela ya nene ya Pantekote, mpe yandi telamaka mpe tubaka na bawu ti mouvement oecuménique yayi vwanza kima ya Nzambi, mpe tubaka ti bawu nyonso ke na kuvutukaka, ata mpe dibuundu ya Katolika ke vutuka na mutindu ya yawu ya kisina, bawu nyonso vwanza zozza na bandinga samu na kimbangi, mpe nyonso yina, mpe na kuzabaka ve ti ya kele mutambu ya dyabulu!

⁹⁹ Mpe muntu yina, mu zabaka ve, bantangu yankaka beno nkuna, beno zaba ve yina ke salama, kasi president ya Bantu ya Mumbongo ya Nsangu ya mbote ya Muvimba, kaka na ntangu

nzonzi ya nene vwandaka, yandi tubaka, “Mu me natama ve na kutuba bima yina me telemina bantu ya beto, kasi ya kele ve mutindu Mpangi Branham tubaka ti ya ke salama. Kasi yandi tubaka ti yina ke twadisa na kidimbu ya kibulu.”

Yandi tubaka, “Kasi Mpangi Branham zaba ve yina yandi ke na kutuba.”

Yandi tubaka, “Beto kele. . . kwikila ti yandi ke kwikila.”
Beno me mona?

¹⁰⁰ Mpe na Chicago, yandi tubaka, “Bantu yikwa awa ke zola ti mu kwiza mpe kupesa lubangulu ya munu samu na yawu?” Bawu bandaka na kuboka mpe kuyangalala.

Beno me mona, beno ke na kukuna bankuna; beno zaba ve yina ke salama. Beno ke landila kaka na kumwangisa Nkuna. Ntangu ngunga yina ke kwisa, bayankaka na kati ya bawu kele. . .

¹⁰¹ Mutindu Thomas, yandi vwandaka na yina me tala muntu ya nsuka samu na kumona Mfumu. Kasi, yandi zolaka mona Yandi, samu na kukwikila Yandi. Beno me mona, ntangu bawu monaka yawu kusalama. Oh, Thomas kwisaka kuna, kasi yandi vwandaka fioti na nsukinina.

¹⁰² Ntangu yayi ntangu bawu ke mona bima yina ba zabisaka na ntwala, mpe ke tuba MUTINDU ME TUBA MFUMU, ke salama, kuna bawu ke tuba, “Pesa beto mwa Mafuta ya beno.” Beno me mona?

¹⁰³ Kasi ntangu yayi beno tala, kubendama. Bantangu yankaka bantu ya nene ke vukanaka kintwadi. Beno ke kuwa bawu kutuba, “Muntu ya nene *Kingandi*, mpe muntu ya nene *Kingandi*, ya beto ya nene. . .” Beno sala yawu ata mbala mosi ve.

Ya kele ve na bantu ya nene na kati-kati ya beto. Ya kele kaka na Mosi ya nene, mpe ya kele Nzambi. Beto kele bampangi ya babakala, bampangi ya bakento. Mu ke kipe ve kana beno kele pasteur ya dibuundu yina kele na bantu tanu na kati ya yawu, yina ke sala beno fyoti ve; yina ke sala beno mpangi ya bakala, beno me mona, kana beno kele kieleka na Ndinga ya Nzambi. Mu ke kipe ve yina, wapi mutindu; beno ke kuma ve fioti. Nzambi kele ve na bana ya fyoti mpe bana ya nene. Yandi kele kaka na bana. Bawu nyonso kele mutindu mosi.

¹⁰⁴ Beno tala, Nzambi Yandi mosi me katuka na bayinzo ya bivoire na Nkembo, samu na kukuma mosi ya beto. Ntangu yayi nani kele muntu ya nene? Yandi bakaka. . . Yandi kwisaka ve awa samu na kubaka mutindu ya nganga-Nzambi, kasi kisadi. Yandi sukulaka kaka ntoto yina Yandi vangaka, makulu ya bantumwa ya Yandi mpe bayankaka. Ntangu yayi nani kele nene?

¹⁰⁵ Kasi ya kubendama, bantu yayi vwandaka. Bawu bakulaka ve. Bawu banzaka ti kima ya malu-malu zolaka salama, ve, kima

yina Nzambi tubaka ve zolaka salama. Bawu kwendaka na yawu na mutindu ya yimbi.

Ya kele yina nsayi nyonso yayi, ntangu... bandaka ntama kuna, ntangu mingi me luta, konso denomination zolaka kuzwa munganga ya Kinzambi; konso denomination zolaka kuzwa yayi, yina, to yankaka. Konso denomination zolaka kuzwa mwa David. Mosi na mosi zolaka kuzwa yayi, yina, to yankaka. Beno me mona yinki kusalamaka? Ya me sala kima mutindu mosi yina ya salaka awa. Kima mutindu mosi. Kubendama!

¹⁰⁶ Ndinga samu na nsungi, ntangu yina bawu vwandaka zinga, ba vwandaka kipe ve.

¹⁰⁷ Beno tala, “mapeka ya ba-Levite,” vwandaka nzila ya kieleka, yina Nzambi kubikaka samu na kusala bima yayi. “Beno tula sanduku yango na zulu ya mapeka ya ba-Levite.” Nyonso na ngaanda ya yawu vwandaka ya kuswaswana. Yina Yandi tubaka, ya kele yina Yandi zola kutuba. Nzambi lenda soba ve. Ya kele samu na yina, beno bikana na Ndinga ya Yandi! Mu kele na Masonuku, yinga, Chroniques ya Ntete 15:15, kana beno zola kusonika yawu. Beno tala.

¹⁰⁸ Ntangu yayi beno tala, kuna, na kulandaka Nzambi. Ntangu yayi mu zola ti beno sonika yayi na mabanza ya beno. Samu na kuzitisa misiku ya Nzambi, samu na kusala kima ya kulunga samu na Nzambi, samu na kusadila—kusadila Nzambi kusalu na mutindu ya kulunga, ya kele na ba-condition tanu, samu na kusadila Nzambi kusalu na mutindu ya kulunga.

¹⁰⁹ Ntangu yayi David vwandaka sala kusalu samu na Nzambi. Yandi vwandaka sala nyonso yina yandi zabaka na kusala, kaka yandi zimbanaka Nzambi. Beno me mona? Yandi vwandaka sala kima yina vwandaka mbote, kima mosi ya mbote samu na bantu, kima mosi ya mbote samu na dibuundu.

¹¹⁰ Kasi ba-condition tanu yayi, mu zola ti beno bambuka moyo na yayi. Ata ti wapi mutindu muntu lendaka vwanda ya kusungama na kusalaka yawu, na kusalaka kusalu ya Nzambi, yayi, ba-condition tanu fwana vwanda kuna.

Ntete, ya fwana vwanda ntangu ya Yandi ya kusala yawu.

¹¹¹ Yinki kana—kana Moise lendaka kwisa, yandi zolaka tuba, “Beto ke tunga nzaza mpe ke mata na zulu ya Nil, mutindu Noé salaka”? Ntangu ya Noé vwandaka mbote mingi samu na nzaza, kasi na ntangu ya yandi ve.

¹¹² Yinki kana Yesu zolaka kwiza, yandi tubaka, “Ntangu yayi mu ke tuba na beno yina beto ke sala. Beto ke mata kaka na zulu ya mongo, mutindu Moise salaka, mpe beto ke baka nsamunu ya malu-malu ya misiku”? Beno me mona? Huh-uh! Yandi vwandaka musiku yango. Beno me mona?

¹¹³ Beno fwana vwanda na ntangu ya Yandi. Ya fwana vwanda na nsungi ya Yandi. Beno me bakula yawu ntangu yayi? Ya fwana

wwanda na ntangu ya Yandi. Ya fwana wwanda na nsungi ya Yandi, ntangu mpe nsungi ya Yandi.

¹¹⁴ Mpe ya fwana wwanda landila Ndinga ya Yandi yina ba zonzaka. Ya fwana wwanda. Mu ke kipe ve mutindu mbote beno ke tuba ti *yayi* fwana wwanda, to *yina* fwana wwanda, to *yayi* fwana wwanda. Ya fwana wwanda landila Ndinga ya Yandi, landila ntangu ya Yandi mpe nsungi ya Yandi.

Mpe ya fwana pesama landila, na nzila ya muntu yina Yandi me soola na kusala yawu.

¹¹⁵ Mu ke kipe ve lutangu ya bantu ya lukumu. Kuna vwandaka ntinu David, kaka nene mutindu mosi na mosi ya bawu. Yandi vwandaka ntinu na zulu ya yinsi. Kasi Yandi vwandaka na mutindu ya kusala yawu, mpe Yandi tubaka na bawu mutindu Yandi ke sala yawu. Kasi bawu lembanaka na kusala yawu.

¹¹⁶ Ya fwana wwanda landila Ndinga ya Yandi, landila ntangu ya Yandi, landila dinaka ya Yandi.

¹¹⁷ Mpe ya fwana wwanda na nzila ya muntu yina Yandi me sola na kupesa yawu mpe kusala yawu. Moise mekaka na kukima yawu, “Baka muntu yankaka.” Kasi Nzambi soolaka Moise na kusala yawu. Mingi na kati ya bawu; Paul mekaka na kubasika na yawu; mingi yankaka. Kasi ya fwana wwanda na nzila ya muntu yina Yandi solaka na kusala yawu.

Mpe ya fwana kwiza, ntete, na baprofete ya Yandi. Ndinga ya Nzambi fwana kwiza na baprofete ya Yandi. Amos 3:7, “Mfumu Nzambi ke sala kima mosi ve tii kuna ntete Yandi ke monikisa Yawu na kisadi ya Yandi profete.” Yiya.

¹¹⁸ Mpe profete fwana siamisama na nzila ya Ndinga ya Nzambi.

¹¹⁹ Yawu yina kele ba-condition tanu ya beno. Ya fwana wwanda mutindu yina. Ntangu ya Yandi, nsungi ya Yandi, ntangu Yandi tubaka ti ya ke wwanda; mpe muntu yina Yandi soolaka; mpe ya fwana kwiza na profete; mpe profete fwana wwanda profete yina ba me siamisa. Beto ke mona ti, mingi ya bawu na kati ya Biblia, ya kwisaka na baprofete mpe ya vwandaka ve ya kusiamisa. Profete ya beto kele Yesu Klisto.

¹²⁰ Na yawu ntangu yayi beno tala, beno me mona, Nzambi monisaka ve kima yango na bawu na nzila ya nzila ya Yandi ya kusala yawu. Bawu ndimaka nzila ya David. Bawu ndimaka nzila ya banganga-Nzambi. Bawu ndimaka nzila ya misoniki, ba-théologien, kasi nzila ya Nzambi ve. Nathan, vwandaka, yandi vwandaka profete ya kilumbu yina. Na ntwala, Nathan tubaka na bawu mutindu ya kusala yawu. Kasi, beno me mona, bawu salaka yawu kukondwa kuyufula Nathan. Ndinga me tuba ve ti ba yufulaka Nathan. Kubendama nyonso, kima ya nene yina ke na kusalamaka! Mpe, oh, la la, mu banza na nkunga yina, “Ti, zitisa . . .”

Sadisa munu, Mfumu, ntangu bantima ke pela,
 Bika mu kulumusa lulendo ya munu (samu na
 kukwenda na bayankaka ya bawu), kubokila
 kaka Nkumbu ya Nge;
 Longa munu ve na kutala na yina bayankaka
 ke salaka,
 Kasi na kuingila kaka na kati ya kisambu
 samu na kuzwa mvutu ya Nge.

Beno me mona, ya kele mutindu ya kusala. Ti mu mona yawu kusalama na mutindu ya kulunga, na yina ba ke kwikila yawu.

¹²¹ Ntangu yayi, Nzambi monisaka kima yango na bawu na nzila ya David, mpe na nzila ya milongi, mpe na nzila ya bantu, mpe na nzila ya mafunda ya ba-kapitene, mpe bankama ya bakapitene, kasi ve na nzila ya Nathan yina vwandaka na MUTINDU ME TUBA MFUMU. Mpe Mfumu tubaka ti Yandi ke sala kima mosi ve tii kuna Yandi ke lakisa profete ya nsungi yina, ntete, yinki kusala. Beno me mona yina bawu salaka? Bawu basikaka mbala mosi na Ndinga ya Nzambi, kwendaka mpe tulaka sanduku na zulu ya pusu ya malu-malu. Beno me mona? Na yawu bawu kwendaka sala yawu na ngaanda ya musiku ya Nzambi mpe nzila yina Nzambi me yidika.

Mpe yawu yina me salama bubu yayi, bankundi. Ya kele samu na yina beto me kuzwa balukutakanu mingi ya nene, mpe nyonso yina, mpe ata bandandu. Ya kukwikama mingi ve, disumu mingi, kulutila. . . Mu ke tuba na beno, yinsi yayi me kwenda; kaka yinsi yayi ve, kasi bayinsi yankaka. Yinsi yayi, mutindu Angleterre ya nsungi yankaka, vwandaka kento ya kindumba ya bayinsi nyonso yankaka.

¹²² Kuna na nsuka ya Mozambique, na bakilometele bankama sambwadi na makumi sambwadi ntama na civilisation, na kati ya mfinda ya nene, bana ya bantwenya ke kuwa Elvis Presley, ba ke ningisa yintu ya bawu mpe ke dumuka, mpimpa ya muvimba, ke bikana. . . To, na muningu ya mwa radio ya bawu na bakilometele bankama sambanu, tii na Rhodésie, samu na kubaka ndinga ya Elvis Presley. Mpe dyaka bawu ke tuba, “Yandi kele musambidi ya kieleka, yandi mpe Pat Boone, mpe bayankaka.” Mbote, ya kele Judas ya ngunga yayi, mpe zaba yawu ve. Ya kele kitini ya yimbi, bawu ke kwikila ti bawu kele—bawu kele ya kusungama.

Yesu tubaka ve na Nsungi yayi ya Dibuundu ya Laodicée, “Nge kele kinkonga, muntu ya mawa, muntu ya kiadi, mpofu, mpe nge zaba yawu ve”? Nge zaba yawu ve!

¹²³ Mbote, bana ya ba-Pentecotiste kuna na Afrika mpe bisika nyonso, ke tuba, “Mbote, Elvis Presley, yandi ke yimbaka ya kulutila kitoko ti beno me kuwaka ntete ve.” Kukondwa ntembe ti David salaka, mpe; kukondwa ntembe ti bayimbi salaka, kasi

ya salaka ti lufwa kubula na camp. Beno me mona kisika bawu kele, kisika beto kele bubu yayi, bankundi?

¹²⁴ “Mapeka ya ba-Levite,” vwandaka mutindu ya Nzambi ya kisina samu na kusala yawu. Mpe bawu tulaka yawu na zulu ya pusu ya malu-malu. Ntangu yayi, ata mbala mosi ve ti ya ke simba. Ba yufulaka ve nzila ya mbote. Beno me mona? Na yawu bawu basikaka, samu na yawu, mpe kwendaka na yawu na nzila ya yimbi.

¹²⁵ Mpe yawu yina me salama bubu yayi. Ntangu bantu, ata ti bawu kele ya kusungama, ba ke meka na kusadila Yandi kisalu na ngaanda ya nzila ya Yandi yina ba me kubika na kumonisa yawu, bawu ke bebisaka yawu ntangu nionso. Nzambi ke tulaka yawu na nzila ya Yandi. Bantu, ata ti bawu kele ya kusungama, beno ke meka na kusala yawu na ngaanda ya yawu, beno—beno ke bebisa yawu.

¹²⁶ Kima mutindu mosi Balaam salaka, na kilumbu ya Balaam. Nzambi tubaka na Balaam, profete yina. Yandi vwandaka profete, profete Balaam. Yandi vwandaka profete, mpe Ndinga kwizaka na yandi kieleka, tubaka, “Kukwenda kuna ve. Ya kele bayina Mu soolaka. Ya kele nsodolo ya Munu.”

Mpe Balaam vukanaka na bantu ya lukumu, basoda, milongi, bantu yina me zabana mingi, mpe tubaka, “Mbote, mu ke—mu ke tuba na nge, ntinu ke . . .”

Beno me mona, beno fwanikisa yawu na David, beno fwanikisa yawu na bubu yayi. Beno baka kaka bima nionso na kifwanukusu, mpe beno ke mona yawu. Beno me mona yawu? Beno tuba, “Amen.” [Dibuundu me tuba, “Amen.”—Mu.] Beno me mona, beno me mona, kaka mutindu ya kele ntangu yayi.

¹²⁷ Kasi banganga-Nzambi tubaka, banganga-Nzambi tubaka, bansoniki tubaka, ba-théologien tubaka, “Yayi kele mutindu ya zolaka salama.” Kasi, ya vwandaka mutindu yina ve, mpe ya siamisamaka ti ya vwandaka mutindu yina ve.

¹²⁸ Mpe Nzambi tubaka na Balaam, mpe yandi vwandaka profete, ntete, Yandi tubaka na yandi, “Kukwenda ve.”

¹²⁹ Kasi kubendama ya bantu yankaka yayi salaka ti yandi sala yawu mutindu yankaka na yina Nzambi tubaka na kusala yawu, mpe yawu kumaka nsingulu na kisika ya reveil. Oh, kieleka, yandi kwendaka kuna mpe longaka bantu, yandi tubaka, “Ntangu yayi beno vingila! Beno zaba yinki?” Yandi tubaka, “Beto kele—beto kele ba-Moabite. Beno ke bambuka moyo, mwana ya kento ya Lot kele ntinu ya beto ya kento. Yandi kele kisina ya beto. Beto nyonso kele menga mosi. Beto nyonso kele . . . Ba-dénomination ya beto nyonso kele mutindu mosi.” Beno vukana ve na kima yina. Beno vwanda ntama na yawu. Beno me mona? Na yawu yandi tubaka, “Beto nyonso kele mutindu mosi. Oh, bantu ya nge kele mutindu bantu ya munu. Beto lenda kwelana, na kati ya beto, na yina beto lenda kuzwa

conseil oecumenique ya kieleka. Beno me mona? Beto nyonso lenda vukana mpe kuvutuka dyaka na kima ya ntete.”

Nzambi singaka kima yina. Disumu yina ba lemvokilaka ata mbala mosi ve Israel. Ya vwandaka na bawu bilumbu ya bawu nyonso. Ba lemvokilaka yawu ata fioti ve. Bawu kufwaka na ntoto ya kuyuma na yawu. Ya kele kieleka. Samu ti bawu bakaka ve nzila yina Nzambi kubikaka na nzila ya Yandi yina ba siamisaka na kusalaka yawu.

¹³⁰ Beno tala, kima yayi yina bawu salaka ti Israël kufwa, na ntoto ya kuyuma. Mpe Yesu tubaka, “Bawu nionso kufwaka mpe zimbanaka.” Beno tala mbote nani ya vwandaka ya kutelama na Moise kuna na manima: Josué na Caleb, na—na kati ya dinaka.

¹³¹ Beno tala dyaka, beno tala David, yina yandi salaka. Mpe ntangu yandi salaka yawu, yinki yawu salaka? Ya salaka ti lufwa kubula muntu ya kieleka.

Ntangu yayi, mu banza ti beto kele ya kukangama na nsinga ya alo-alo, mpe mu zola ti beno kuwa bisika nyonso na bayinsi.

Kima yayi yina David salaka, kukondwa kuyufula Nathan mpe kubaka Ndinga ya Mfumu samu na yawu, ya salaka lufwa kubula bantu ya kieleka. Yinga, tata. Yandi tandaka diboko ya yandi, yandi yina vwandaka zinga na mvwandulu ya sanduku; na yina yandi vwandaka basika na yinzo ya yandi—ya yandi. Mpe ngombe bulaka dibaku, mpe sanduku vwandaka kubwa.

¹³² Bawu salaka ntete foti mosi, bafoti zole. Ntete, bawu yufulaka Nathan ata fioti ve. Kima ya kulanda bawu salaka, bawu kwendaka kuna kukondwa kuyufula Ndinga ya Nzambi. Na yina, . . . Samuel vwandaka Ndinga na kilumbu yina . . . Mpe yandi yufulaka ata fioti ve Ndinga ya Mfumu. Na yina, ntangu bawu salaka mutindu yina, bawu kwendaka na nzila ya kuswaswana na Ndinga ya Nzambi.

Mpe muntu ya mbote yayi, yina vwandaka mukengi ya sanduku, yandi vwandaka évêque, banzaka, “Mbote, awa, mu zola ve ti Nzambi kubwa,” na yawu yandi tulaka diboko ya yandi na zulu ya sanduku. Na yina, yandi vwandaka ve Levite, mpe yandi kufwaka. Bima tatu!

¹³³ Ntangu yayi beno banza yawu kieleka, mpe beno tala mbote yina ba-denomination me sala bubu yayi. Beno me mona, ba me manga Yawu, ba me bokila Yawu “malongi ya luvunu.” Beno me mona? Beno tala kisika bawu kele. Bawu ke kuzwa conseil oecuménique ya bawu, mbote mingi. Ba me bokilaka Yawu “télépathie mentale,” ntangu Nzambi Yandi mosi ke siamisa ti Yawu kele Kieleka, mpe ke talisa ti Yawu kele Kieleka. “Oh, bawu kele kaka mwa nkonga ya bazoba kuna,” bawu ke tuba, “bawu zaba ve yina bawu ke na kutuba.”

Ya kele kieleka, beto zaba ve. Kasi beto ke tuba kaka Bandinga ya Yandi, mpe Yandi zaba yina Yandi ke na kutuba,

beno me mona. Mu lenda ve kutendula Yawu, muntu yankaka ve lenda, kasi Yandi—Yandi—Yandi ke siamisa Yawu.

¹³⁴ Ntangu yayi beno tala. Bakwikidi mingi ya kusungama bubu yayi, yina ke kwizaka na Klisto, zola kukwiza na ntima ya yandi nyonso, ba me kufwa bawu na kimpeve mutindu mosi. Bantu mingi ya kusungama ke kwendaka na dibuundu ya Katolika mpe ke zolaka kukuma Muklisto, beno kwenda na ba-Methodiste, na ba-Baptiste, na dibuundu ya Klisto, ata mpe na ba-Pentecotiste, beno me mona, mpe zola kukuma Muklisto, ba ke tula diboko ya yandi na zulu ya yawu, samu na kuvukana na bawu.

¹³⁵ Mpe ntangu David monaka kima yayi me salama, yawu vumbulaka yandi. Beno vumbuka ve na nsukinina mingi kuna, mpangi-bakala. Yandi monaka ti lufwa me bula.

Beno lakisa munu bandandu. Yinki salaka na yinsi, yayi ba me bokila reveil, ke vutula bantu na mabuundu, na—na nzutu ya bakwikidi? Ya kele kima ve kasi ya me sala ba-organisation ya malu-malu mpe ba-denomination, ntangu nyonso, bamambele mingi mpe nyonso yankaka. Yinsi kele mbote mingi? Bawu tubaka ti bawu ke . . .

¹³⁶ “Amerika. Nzambi sakumuna Amerika. Ya kele—ya kele yinsi, ya kele yinsi ya Baklisto.”

Ya kele mafuku ya bakilometele ntama na kuvwanda yinsi ya Baklisto. Mu ke sambilaka ve samu na yawu. Wapi mutindu mu lenda sambila samu na yawu, mpe ya ke balula ntima ve na yisi ya bangolo ya ngolo ya Nzambi yina me talisama na ntwala ya yawu; mpe ke manga, mpe ke kanga myelo na Yawu, mpe ke kwenda ntama? Mu ke pesa yawu na Nzambi. Mpe yandi ke na kukwendaka ntama. Mpe ntangu yayi yandi ke dinda. Beno tala kaka yina ke salama.

¹³⁷ Bantu mingi ya kusungama ke kota na organisation mosi, to kimvuka mosi, to na nsambulu mosi, mpe kuna bawu ke kufwa, na kimpeve. Beno lenda tuba na bawu kima mosi ve. Bima yina ya kukangama na kati ya bawu, “Kasi, ba-évêque yayi tubaka yayi. Mpe *yayi* tubaka yayi, *yayi* me tuba yayi.” Beno ke lakisa bawu kaka awa na kati ya Ndinga ya Nzambi ti ya kele MUTINDU ME TUBA MFUMU. “Kasi pasteur ya beto . . .”

Mu ke kipe ve yina pasteur ya beno ke tuba, mu ke kipe ve yina mu ke tuba, to muntu yankaka ke tuba. Kana ya kele ya kuswaswana na Ndinga ya Nzambi yina me siamisama, ya ngunga, ya ntangu, ya Nsangu, mpe nyonso yina, beno zimbana yawu. Beno vwanda ntama na yawu. Mpe mu fwana telama na ntwala ya beno nionso na Kilumbu ya Lufundusu, mpe beno zaba yawu. Mpe mu zolaka tuba yawu fioti, na kuzabaka ti mu kele kiboba ya bakala ntangu yayi. Mu ke . . . Ya kele ve ti mu zaba kima mosi, kasi Yandi zaba. Mu ke landa kaka yina Yandi tubaka.

¹³⁸ Beto tala kaka bubu yayi na balukutakanu ya nene yina beto me kuzwa kuna na bayinsi. Ya me talisama ti ya vwandaka na mpamba. Mpe Yesu tubaka awa ve ntangu yayi, Luc 7:7, “Na mpamba ba ke sambila Munu”? Na mpamba David matisaka sanduku. Na mpamba Achab longaka bapofete yayi. Na mpamba Balaam bakaka mbongo yina. “Na kulongaka Malongi yina kele misiku ya bantu.” Ya kele misiku ya Nzambi yina kele na mfunu, ata ti wapi mutindu disu . . .

¹³⁹ “Bantu yina kele kieleka ya kusungama.” Beno ke kuwaka mingi yina, “Ba kele ya kusungama mingi.” Yina zola kutuba kima mosi ve. Batemwe ya Yehowa, Adventiste du Septième jour, mpe bansambulu nyonso yina, me basika awa na bala-bala mpe me sala bima yina mosi ya beto lendaka sala ve. Bantu ya Katolika ke telamaka na nsongi mpe ke lomba, mpe nyonso yina, ya kukangama na bantumunu ya bawu mutindu yina, ata ti bawu kele na bamakiasa ya bamakiasa ya ba-dollars, ba ke na kulombaka kaka. Ya kusungama, kukondwa ntembe. Mabuundu ke kwenda mpe—mpe ke longi, mpe nyonso yina, mpe balongi ke telama na chaire mpe ke sala nyonso yina bawu lenda samu na kuzwa bamambeke ya malu-malu na dibuundu ya bawu; kasi ya kele sanduku ya malu-malu.

Ya kele kaka na Sanduku mosi samu na kulanda, ya kele, Ndinga ya Nzambi. Kima nyonso ya kuswaswana na Sanduku yango, beno vwanda ntama na yawu! Ya kele na zulu ya pusu ya malu-malu, kasi ve na zulu ya mapeka ya Nzambi. Kieleka. Beno vwanda ntama na kima yango. Beno vwanda ve na kima ya kusala na yawu.

¹⁴⁰ Balukutakanu ya beto ya nene, bamakiasa mpe mafuku me ndima. Mpe mu ke tula ntembe ti ya ke vwanda na nkama na kati ya bawu, na ntalu ya nyonso yina. Beno me mona, yina zola tuba kima mosi ve.

Na yina beno tala Ndinga ya nsilulu.

¹⁴¹ Beno ke banza ti yina kele kubwa, mpe beto zaba ti yina kele kubwa. Bayankaka ya—ya bantu ya reveil ya beto ya kulutila nene na yinsi bubu yayi ke tuba ti ya kele nyonso ya kubwa. Dibundu zaba ti yawu kele ya kubwa. Muntu nyonso zaba ti ya kele ya kubwa. Mbote, samu na yinki ya kele ya kubwa? Samu na yinki ya me kubwa?

Ya vwandaka samu na lukanu ya mbote. Ya zolaka nata bantu na Mvwandulu ya Nzambi, na balukutakanu ya nene. Mpe mafuku ya bantu me basisa mbongo ya bawu, mpe me tula yawu na balukutakanu ya nene. Mpe mabuundu nyonso me vukana kintwadi, bayinzo ya nene, mpe bima ya nene, mpe bima ya nene me salama. Samu na yinki ya kubwaka? Ya kele samu ti bawu zabaka ata fioti ve ngunga yina bawu vwandaka zinga.

Kuyituka ve ti Yesu telemaka, mpe na kati ya ntima ya Yandi ti Yandi dilaka. Masa ya meso kulumukaka na matama ya Yandi,

mpe Yandi tubaka, “Jérusalem, O Jérusalem, bambala yikwa mu me zola kuvukisa nge, mutindu nsusu ya kento ke bumbaka bana ya yandi (nge losaka matadi na konso profete yina Mu fidisaka na nge), kasi nge zolaka ve! Kasi ntangu yayi ngunga ya nge me kwiza.”

¹⁴² Beno lenda ve kuwa Mpeve-Santu kuboka na kati ya beno? “Oh, Etats-Unis mpe yinza, bambala yikwa mu me zola kuvukisa nge, kasi nge me zola ve. Ntangu yayi ngunga ya nge me kwiza. Nzambi ya nge ya kilengi, nzambi ya nge ya mvindu, nzambi ya nge ya Sodome mpe Gomorrhe, me kwiza na kati-kati ya beno.” Ata ti bana ya beto ya fioti, kele na bansuki ya kuzenga mutindu beatle mpe mikoto ke kulumuka na kizizi ya bawu, mpe ya kele mwa bima ya kubeba ke banda. Bakento ya beto me beba. Ba me luta mpulusu. Babakala ya beto me kuma babakala-kento ya nene, ke tambula na mwa ba-pantalon ya fioti, ya nkufi, mpe ke sala mutindu bana-bakento, mpe bansuki ke kubwa na nkingu ya bawu. Mpe beto kele bantu ya Sodome, mpe tiya mpe nganzi ya Nzambi ke vingila beto.

¹⁴³ Beno zaba mutindu Yandi ke kufwa, mutindu Yandi ke bebisa yawu? Mutindu Yandi ke salaka ntangu nyonso. Ntangu kento ya kindumba salaka kima ya yimbi, ba losaka yandi matadi tii na lufwa; bawu bakaka matadi samu na kufwa kento yina vwandaka kento ya kindumba. Ya kele mutindu yina Yandi ke kufwa dibuundu. Biblia me tuba ti Yandi ke kulumusa bambuma ya galasi na mazulu, yina ke vwanda na bakilo makumi yiya na tanu mosi na mosi, mpe Yandi ke losa bawu matadi. Nani ke kanga Yandi? Science ke tuba ti ya lenda salama ve? Yandi ke sala yawu.

Mutindu mosi Yandi salaka sanduku mpe nataka Noé na lukengolo na zulu ya masa, Yandi ke sala yawu diaka samu na Dibuundu ya Yandi.

Mpe na nzila ya misiku ya Yandi Mosi mpe nzila ya Yandi Mosi, Yandi ke losa matadi na kento yina ya kindumba yina salaka pité na bantinu mpe bankama mpe mafunda ya bakapitene. Yandi ke losa yandi matadi tii yandi ke kufwa, na nzila ya misiku ya Yandi Mosi yina Yandi tulaka na ndonga. Nani ke tuba na Yandi ti Yandi lenda ve kusala mbuma ya galasi?

¹⁴⁴ Beno yufula muntu yina zaba mutindu ditanga ya mvula ke bandaka. Mpe ya ke salaka selekele, mpe ya ke luta na kati ya turbine mosi; ya ke lokota yawu mingi mpe mingi mpe mingi, tii kuna ya ke kuzwa kilo mosi, mpe na manima ya ke kubwa.

Yandi, Nzambi, Yina...ngolo ya kubenda lendaka ve kukanga Yandi na zulu ya ntoto, mpe Yandi zangukaka na Mazulu. Nzambi, Nzambi salaka ngolo ya kubenda, lenda dyaka kusala turbine nene mingi samu na kubalula ditadi tii ke kuma na kizitu ya bakilo makumi yiya na tanu. Yandi tubaka ti Yandi ke sala yawu, mpe Yandi ke sala yawu. Nani ke tuba na Yandi na

kusala yawu ve? Yandi ke sala yawu, samu Yandi tubaka ti Yandi ke sala yawu.

¹⁴⁵ Beto kele na bilumbu ya nsuka. Beto me telama pene-pene ya lufundusu. Samu na yinki? Bawu ke na kumekaka na kudya mani ya ntama yina kubwaka kuna bamvula makumi tanu me luta, dibuundu ya Pantekote. Dibuundu ya Busantu ke na kumeka, na kumata tii na bamvula bankama zole na manima. Ba-Luthérien, pene ya bankama tatu, to kulutila, bamvula me luta, bankama mingi ya bamvula me luta. Bawu ke na kumekaka na kudya mani ya ntama. Oh, mpangi, bima yina ke ninganaka ve. Ya me beba. Ya ke... Ya ke—ya ke... Na yina, mu ke tubaka ntangu nionso, mataka-taka na kati ya yawu, misobi. Ya ke kufwa beno, kana beno me kudia yawu.

¹⁴⁶ Beno tala kana David to kana mosi ya bantu yankaka na kati ya bawu zolaka yufula kaka Dimpa ya ngunga yina.

Kana banganga-Nzambi, mpe baprofete, mpe milongi, mpe ba-théologien, mpe balukolo, mpe ba-denomination, zolaka yufula kaka ngunga yango! Kasi ntangu yayi ya ke sala bawu ata mbote ve. Ya me suka. Ya ke sadisa ata fyoti ve. Yandi me kwenda ntangu yayi. Yandi me zabuka ndilu yina pene ya bamvula tanu me luta, na kati-kati ya kubalula ntima, lufundusu mpe kyadi.

¹⁴⁷ Beno tala, yinki kele kuna? Yinki beto lenda sala? Yinki beto fwana sala? Beto yufula profete, Biblia, na yina beto lenda bwela ve to kukatula na Yawu ve. Kana beto sala yawu, Nzambi ke katula beto na Buku ya Luzingu.

Biblia ke tuba, na Malachie 4, yina ke salama bubu yayi. Apocalypse 10, mutindu Bidimbu Sambwadi ke zibuka mpe ke monikisa mansweki nyonso yayi yina vwandaka ya kubumbama na kati ya ba-reformateur yayi! Yandi tubaka mutindu ya ke salama. Ya kele na kati ya Biblia, MUTINDU ME TUBA MFUMU. Nzambi me lakisa yawu ya muvimba, na mutindu ya kulunga; mpe me siamisa ti Yawu kele Kieleka, na nzila ya bidimbu, mambu ya ngitukulu na mazulu, na mazulu, mpe nyonso yankaka, bamvula makumi tatu na tatu.

Beno banza ti bawu ke kuwa Yawu? Ve. Bawu kele ya kufwa. Ba me tula diboko ya bawu na kati ya kima yina kufwaka kima ya muvimba. Ve, ya ke vwanda ve; ya ke vwanda dyaka ve, ata mbala mosi ve.

¹⁴⁸ Ya vwandaka ntangu kima yayi salamaka, ti David monaka. O Nzambi, fidisa beto David yina lenda mona kisika yandi me telama, yina lenda tala mpe kumona Nzambi salaka nsilulu ti, wapi mutindu Yandi ke sala yawu bubu yayi. Nzambi tubaka yawu kaka awa na kati ya Ndinga ya Yandi, mutindu Yandi ke sala yawu.

¹⁴⁹ Nzambi tubaka na Michée. Michée fiongoninaka vision ya yandi na ntwala ya baprofete bankama yiya ya lukumu. Yandi fiongoninaka vision ya yandi samu na kutala kana ya vwandaka

kieleka. Yandi talaka na manima na yina profete tubaka na ntswala ya yandi, samu na kutala yina salamaka. Yandi talaka na manima, mpe yandi monaka Elie yina telamaka kuna, yandi tubaka, “Achab, bayimbwa ke lekita menga ya nge, mpe.” Ntangu yayi, yandi monaka kuna ti vision yina vwandaka kaka kieleka landila Ndinga ya Nzambi, na yawu yandi tubaka yawu. Mpe yandi vwandaka ya kusungama. Kieleka. Ata nyonso yina bayankaka ya bawu tubaka, yandi bikanaka kaka na Ndinga yina.

¹⁵⁰ Ntangu yayi beto tala vision yina kele na beto bubu yayi. Ya kele kutunga mabuundu; ya kele bima ya malu-malu; ya kele bima ya nene yina ke salama? To, ya kele lufundusu? Beno tala na manima mpe beno mona nsilulu ya bubu yayi, beno mona na wapi nsungi beto ke na kuzinga.

¹⁵¹ Beno ke tuba, “Mbote, Nzambi sakumuka, mpangi-bakala, mu kele ya kusungama. Mu me kota na dibuundu. Mu kele na licence na lettres ya munu. Mu me sala *yayi*.” Ya kele mbote mingi, ya kele mbote, mu ke telemina yawu ve; mutindu mosi salaka David, mutindu mosi salaka banganga-Nzambi ya kilumbu yina, mutindu mosi salaka ba-théologien. Kasi ya vwandaka ya kuswaswana na Ndinga.

¹⁵² Nzambi tubaka mutindu Yandi ke sala yawu bubu yayi, mutindu Yandi ke vutula bima nyonso, yina Yandi ke sala dyaka. Yandi silaka na kuvutula. Ya kele kaka kieleka. Na Joël 2:28, Yandi silaka ti Yandi ke vutula dyaka. “Mu ke vutula dyaka,” me tuba Mfumu, “bamvula nyonso yina mangolo kudyaka.” Bawu kele na lu- . . . Beno me mona, ya kele musobi mosi; ya kele na kitezo yankaka ya luzingu. Mpe ntangu Katolisisme bandaka na kudia, na yina ba-Luthérien, mpe ba-Methodiste, mpe ba-Pentecotiste, mpe nyonso yina, kuna; Yandi tubaka, “Mu ke vutula nyonso na Dibundu kieleka mutindu yina vwandaka na kisika ya ntete.”

¹⁵³ Beno tala mbote vision ya nkokila yina. Kieleka Kento mosi ya makwela kwizaka na lweka *yayi*, kwizaka na lweka *yayi*. Na manima ya bakento ya kindumba yina lutaka na ba-robe ya bawu, na mwa bima ya bawu kaka mutindu *yayi*, mpe ke bina na muningu ya rock-and-roll, mpe ke kukibokila bawu mosi Dibundu.

Beno ke tuba, “Mbote, beto ke salaka yawu ve.”

Ya kele mutindu Nzambi ke monaka beno. Ya kele ve yina beno ke mona beno mosi. Ya kele mutindu Nzambi ke monaka beno. Muntu ve ke mona ti yandi kele na foti. Ntangu beno ke tala na kitala-tala ya Ndinga ya Nzambi, Yawu ke tuba na beno kana beno kele na foti to ve. Kana David zolaka sala yawu, yandi zolaka mona yimbi ya yandi. Kana Achab zolaka sala yawu, to bapofete yina zolaka sala yawu, bawu zolaka mona yimbi ya bawu.

¹⁵⁴ Profete yina me siamisama tubaka, “Ahab ke kufwa, mpe bayimbwa ke lekita menga ya yandi.” Mpe profesu ya yandi vwandaka kieleka na Yawu. Na yina yandi zabaka ti yandi vwandaka ya kusungama. Mpe Josaphat zolaka mona yawu mpe zabaka yawu. Ntangu Michée monaka vision, yandi vwandaka ve mingi na bantu na bilumbu yina, kasi yandi vwandaka na MUTINDU ME TUBA MFUMU. Yandi vwandaka ya kusungama.

¹⁵⁵ Beno tala, beto ke na kunataka kima yayi ntangu yayi na kilumbu yayi, ntangu beto ke mona ngunga ya nene yina beto ke na kwiza.

Beno tala yina David vwandaka meka na kusala, mpe. Mu vwandaka na mwa noti awa na zulu ya yawu. Yandi vwandaka meka na kunata sanduku na mbanza ya David, denomination ya yandi mosi.

¹⁵⁶ Beno tala na manima kuna ntangu Mfumu zonzaka ntete awa na nzadi, “Mutindu ba fidisaka Jean-Baptiste na kukwisa na ntuala ya nkwezulu ya ntete. . .”

Mpangi, ba-Assemblée lendaka ve kundima yawu, to dyaka ba-Unitaire, bawu nyonso. Ba zolaka kuzwa mosi kisika mosi kuna. Ah, ba zolaka sala yawu nyonso, beno me mona, kaka kieleka. Bawu nyonso zolaka nata yawu na yinzo ya bawu.

¹⁵⁷ Ba zolaka kunata yawu na mbanza ya David. Samu na yinki? Ya vwandaka ve na kisika ya kukubama samu na yawu.

Mpe ya kele samu na yina beno lenda ve kunata Nsangu na denomination. Ndinga, Sanduku, Klisto, “mutindu mosi mazono, bubu yayi, mpe kukonda nsuka,” mpe kutalisama ya Yandi nyonso, beno lenda ve kunata Yawu na organisation ya beno. Ata mbala mosi ve ti ba ke kwikila Yawu, samu ti ya kele ve na kisika samu na Yawu. Biblia ke tuba ve ti Yandi vwandaka na ngaanda ya dibuundu ya Nsungi ya Laodicée, na kumekaka na kukota?

Ya vwandaka ve na kisika na kati ya mbanza ya David, ata ti ya vwandaka ya kukwikama, mpe wapi mutindu nene ya vwandaka, mpe—mpe nyonso yina. Ya vwandaka kaka ve kisika. Ya zolaka vwanza na Jérusalem. Ya kele kisika yina yawu lutaka, ntangu profete tubaka na bawu yinki kusala na yawu. Beno me mona? Na yawu David zolaka nata yawu na mbanza ya yandi mosi. Ata kisika ve ya kukubama samu na yawu.

¹⁵⁸ Klisto kele Sanduku ya beto, mpe bawu ke yamba Yawu ve. Klisto kele Ndinga; bawu ke yamba Yawu ve. Bawu zola credo ya bawu, denomination ya bawu, sanduku ya malu-malu, to—to munati ya malu-malu. Bawu zola denomination kunata Yawu; sanduku ya malu-malu. Huh!

Beno bambuka moyo, Klisto kele Sanduku ya beto! Beno ke kwikila ti Klisto kele Ndinga? Ya kele Sanduku, na ntangu yina.

Ya kele kieleka? Mbote mingi. Ba lenda ve kunata Klisto, na kisika ya Yandi ya kulunga, na nzila ya pusu ya denomination mosi. Yandi ke salaka na muntu mosi, kasi na kimvuka ve. Yandi salaka ata fioti ve na kimvuka mosi; muntu mosi. Ntangu, Yandi tubaka ti Yandi ke sala yawu ve. Kana Yandi salaka yawu, Yandi vwandaka ya kuswaswana na Ndinga ya Yandi, Amos 3:7. Beno lenda ve kukumisa Yawu luvunu. Ve, tata. Ya kele Kieleka.

¹⁵⁹ Kasi, beno me mona, bawu ke meka. Ba lenda ve kunata Sanduku na nzila ya organisation. Ya kele na bayintu mingi na kati ya yawu. Beno me mona? Ya lenda salama ve. Yandi silaka ti Yandi ke sala yawu ve, mpe Yandi ke sala yawu ve. Yandi tubaka . . . wapi ntangu Yandi silaka—wapi ntangu Yandi silaka na kusala yawu mutindu yankaka? Ya kele samu na yina Yandi silaka ti Yandi ke sala yawu ve.

Beno banza ve na mabanza yina. Mu lenda kuwa yawu. Beno me mona?

¹⁶⁰ Na yawu Yandi—Yandi silaka ti Yandi ke sala yawu mutindu mosi, mpe kima nyonso ya kuswaswana na yawu Yandi ke sala yawu ve. Beno me mona? Kasi na mutindu ya Yandi ya kisina, landila yina Yandi tubaka na Amos 3:7, ya kele mutindu yina Yandi ke sala yawu. Mpe yina fwana siamisama mpe me talisama ti ya kele kieleka.

Ntangu yayi, beno zaba yina Yandi silaka bubu yayi, na yina Yandi ke na kusala yawu bubu yayi. Ya kele kaka yina Yandi tubaka ti Yandi ke sala. Yandi ke zibula Bidimbu Sambwadi yina, mpe yina nionso Yandi ke sala; ke monikisa mansweki na manima kuna, mutindu bambotika yayi mpe bima nyonso vwandaka ya kuvwalangana. Mpe yawu yayi, na Mvwandulu ya Yandi ya kieleka. Science ke siamisa yawu. Mazulu me tuba yawu. Muntu vwandaka ya kutelama, vwandaka tala kaka na yawu, mpe monaka yawu me salama. Kima mosi ve Yandi tubaka kasi yina Yandi me siamisa. Beno bawu yayi. Kaka samu ti beno mona kisika beto kele bubu yayi.

¹⁶¹ Wapi mutindu muntu nyonso yina kele na Mpeve ya Yandi, zaba yawu; kele na Mpeve ya Nzambi na zulu ya yandi, zaba ti Yayi kele Kieleka, samu ti Mpeve ya Nzambi ke zonga ve ya kuswaswana na Ndinga. Ve, ve. Ya ke vwanda kaka na Ndinga.

Beno ke tuba, “Mu me kuzwa Mpeve-Santu. Mu bokaka; mu zonzaka na bandinga. Mu binaka na Kimpeve.” Yina zola kutuba kima mosi ve na Nzambi. Beno me mona?

David salaka mutindu mosi, kieleka kima mutindu mosi, kuna na manima. Yandi yimbaka na ngolo ya yandi nyonso, mpe yandi bokaka na ngolo nyonso ya yandi. Bayankaka nyonso ya bawu salaka mutindu mosi, mpe bawu vwandaka tambula kaka na kati ya lufwa. Ya kele kieleka. Yina kele ve na kima ya kusala na yawu.

162 Ya kele Ndinga yina kele na mfunu, Ndinga ya Mfumu. “Bayina ke tulaka ntima na Mfumu.” Yinga, tata. Beno me mona, bawu yina kele na Mpeve ya Nzambi na kati ya bawu, beno tala nsilulu ya bubu yayi, mpe beno tala mbote mpe beno vingila tii bawu ke mona Yawu. Na yina bawu ke tuba, “Ya kele Yawu.” Nzambi ke monisa Yawu na bawu.

163 Mutindu Nathanael. Philippe kwendaka mpe monaka Nathanael. Nathanael tubaka, “Ntangu yayi vingila fioti. Mu zaba ti ba me silaka, kasi bika mu mona Yawu.” Mpe ntangu yandi monaka Yawu, yandi tubaka, “Ya kele Yawu.”

Kento tubaka, “Ntangu yayi, mu zaba, mu me kuwaka mitindu nyonso ya ba-théologien. Mu me sala *yayi* mpe *yina*. Mpe mu tangaka Biblia, munu mosi, mpe mu zaba ti beto kele. . . Ya kele na Mesiya yina ke na kwiza, yina ke sala bima yayi, na yawu Nge fwana vwanda profete ya Yandi.”

Yandi tubaka, “Mu kele Yandi.”

164 Yandi tubaka, “Beno kwiza, mona Bakala mosi, yayi kele Yandi.” Yandi vingilaka tii kuna yandi monaka Mesiya yina me talisama na nzila ya Ndinga ya Nzambi, na yina yandi tubaka, “Ya kele yina beto vwandaka vingila, bamvula bankama yiya. Beto me kuzwaka ve profete to kima mosi ve. Yandi yayi, mpe Yandi Yayi me tuba ti Yandi kele Yandi.” [Kisika ya mpamba na bande—Mu.] “. . . kudasika mpe kumona Muntu Yina me tuba na munu bima yina mu me sala.”

Kasi banganga-Nzambi zolaka kufwa Yandi, mpe na nsuka bawu salaka yawu. Beno me mona?

Kasi bawu lenda ve kufwa Mpeve ya Yandi bubu yayi. Ya kele kieleka. Ve, bawu lenda ve kufwa Yawu. Ya vwandaka awa samu na kunata beto na kati, na yina beto ke vutula matondo. Beno tala mutindu Nzambi kele nene, mutindu bisalu ya Yandi kele nene, mutindu yawu lenda kubwa ata fioti ve!

165 Ntangu yayi, Nzambi me kubika mpe nzila ya kieleka samu na kusala bima, mpe Yandi ke sala yawu ata mbala mosi ve ya kuswaswana na yawu.

166 Ntangu yayi Yandi silaka na bilumbu ya nsuka ti yawu yina Yandi ke sala. Mpe Yandi silaka na kufidisa beto, Nsangu mosi; mpe Nsangu yayi zolaka vwanda na kutalisama mosi mutindu Elie vwandaka, mutindu Elisée vwandaka, mutindu Jean-Baptiste vwandaka. Mpe Yawu ke vutula bantima ya bantu, na denomination ve, kasi ke vutula na batata ya ntete, bantumwa, ke vutula na Ndinga. Wapi mutindu bima yayi me siamisama! Wapi mutindu ti na muningu ya wanzio ya nsuka, Apocalypse 10, “Na bilumbu ya wanzio ya sambwadi, mansweki yayi nionso me vwanda. . .”

“Samu na yinki ba-Methodiste salaka *yayi*, mpe ba-Baptiste, mpe dibuundu ya Klisto, mpe Batemwe ya Yehowa, bawu nionso salaka *yina*?”

“Mansweki *yayi* ke monisama pwelele na kilumbu ya nsuka, ntangu wanzio sambwadi ya . . .Nsangu ya wanzio ya sambwadi, ntangu yandi . . .” Ve ntangu yandi ke banda na kusala *yayi*, kasi, “Ntangu yandi ke banda na kubula muningu ya Nsangu ya yandi.” Beno me mona? Ve bamvula ya kukubama, kasi, “Ntangu yandi ke banda na kubula muningu ya Nsangu, mansweki *yayi* na *yina* ke monisama pwelele.” Mpe bawu *yayi*; na kuzabaka bawu ve, mpe beno bantu kele bambangi ya yawu.

¹⁶⁷ Mpe kuna na laboratoire ya nene, samu ti *yina* kuvwanda kukondwa, bawu ke na kumiyufula dyaka yinki salamaka. Na Tucson, ba-observatoire ya nene kubakaka foto ya yawu kuna; vwandaka kukiyufula kaka *yina* salamaka. “Yinki ya kele?” Ba ke tulaka dyaka yawu na zulunale, “Muntu nyonso zaba kima mosi na zulu ya yawu, wapi mutindu ya zolaka salama?” Ya kele ve na dibungi kuna, ya kele ve na mupepe, ya kele ve na madidi; bakilometele makumi yiya na nana na zulu. Oh, la la!

“Ya ke vwanda na bidimbu na mazulu. Mpe ntangu bima *yayi* ke salama, bakuningana ya ntoto na bisika mingi, na manima ke talana kidimbu na mazulu, ya Mwana ya muntu.” “Kilumbu *yina*,” na Luc, “Mwana ya muntu ke monana dyaka Yandi mosi; ke monana, Yandi mosi.” Mpe *yinza* ke vwanda mutindu Sodome mpe Gomorrhé. Oh, la la!

Bampangi, beno zimbana ve bima ya kimpeve, beno me mona. “Beno tala Masonuku, samu na Yawu beno ke banza kuzwa ya Kukonda nsuka, Luzingu ya Kukonda nsuka; mpe Yawu kele Yawu *yina* ke pesa kimbangi ya Ndinga.” Ya kele Yawu *yina* ke pesa kimbangi ya Kieleka, bima *yina* Nzambi ke na kusalaka na ngunga *yayi*.

¹⁶⁸ Mpe ntangu *yayi* yinki? Bawu *yina* kele na Mpeve ya Nzambi, ke vingilaka bima *yayi*. Mpe ntangu ba ke mona bima *yina*, ba ke kwikila bima *yina*. Yesu tubaka, “Muntu ve lenda kwiza na Munu kana ti Tata ya Munu kubenda yandi. Mpe nyonso *yina* Tata pesaka Munu,” Yandi kele Ndinga, “bawu ke kwiza na Munu. Bawu ke kwiza na Munu.”

¹⁶⁹ Mu me vwanda ngolo mingi na suka *yayi*, beno me mona. Ba ke vingila Mfumu, ba ke vingila; mpe ntangu bawu ke sala yawu, mpe bawu ke mona nsilulu *yina* ya bubu *yayi*, me siamisama, ya ke vutula lukwikilu ya bawu na Ndinga ya Yandi. Samu ti, Yandi silaka na kusala yawu, mpe awa Yandi ke na kusalaka yawu. Na *yina* ya kele ve na ntembe. Nzambi ke zonzaka. Ndinga ya Yandi, ntete, ke zonzaka. Mpe kuna Mpeve *yina* ke na kunataka Yawu kusala kima *yina* Ndinga tubaka ti Yawu ke sala.

Oh, beto kele na bamekudi mingi. Beto ke kuzwa dyaka mingi ya yawu, babakala ya ntima ya kusungama ke meka na

kusala bima mutindu *yayi* mpe mutindu *yina*, kasi beno tala yina salamaka. Bantu ke tula maboko ya bawu, mpe na manima—na manima bawu ke kufwa. Beno me mona, beno tala.

¹⁷⁰ Manaka ya muntu mosi ve ya denomination ke sala, ba ke sala bamambeke samu na basanduku ya denomination ya bawu. Nzambi ata mbala mosi ve kuzwaka dénomination. Ata mbala mosi ve ti Yandi ke kuzwa dénomination. Mpe ya kele kima yina me salama na muntu.

¹⁷¹ Mpe mu ke kukiyufula, bubu yayi, kana na kusonika ya bankumbu ya beto nyonso mpe balukutakanu ya nene mpe bareveil, beto me fulusa ve sanduku ya ba-Méthodiste, sanduku ya ba-Baptiste, sanduku ya ba-Presbytérien! Kasi wapi mutindu samu na Sanduku ya Klisto, Ndinga?

Mpe kana Kento ya makwela fwana vwanda Ndinga, na yina Yandi fwana vwanda ya Klisto, ndambu ya Bakala ya makwela. Yandi fwana vwanda Ndinga; Ndinga ve samu na kilumbu ya Yandi; Ndinga ya kilumbu yayi, yina Yandi silaka ke vwanda kilumbu yayi, ti Yandi fidisaka Ndinga ya Yandi na kuyidika Kento ya Yandi ya makwela mpe kusala Yandi. Kivuvu ti beto ke mona yawu! Beno kuzwa dibanza ya beno mosi ve ntangu yayi, mpe beno baka ve dibanza ya muntu yankaka. Beno baka Ndinga yina me siamisama awa, Biblia. Ya me tuba.

Nzambi silaka na Ndinga ya Yandi wapi mutindu Yandi ke sola Kento ya Yandi ya makwela na kilumbu yayi ya nsuka. Beno zaba yawu? Yandi silaka yawu, mutindu Yandi ke sala yawu, mpe ti na nzila ya dinaka ya Yandi ya ntete ya kusola Klisto, ya kusola bantangu, kusola nsungi, mutindu Yandi . . . Yandi lenda kondwa yawu ve, na zulu ya Kento ya Yandi ya makwela, samu ti Yandi kele kitini ya Ndinga yina.

Yandi lenda ve kusoola Yawu na nzila ya denomination mosi, na ntangu Yandi soolaka Klisto ve na nzila ya denomination mosi. Klisto kwizaka na denomination? Yandi kwizaka na nzila ya dénomination? Ve. Bawu mangaka Yandi. Mbote, ya kele yina denomination salaka kuna. Na manima ntangu Yandi soolaka Kento ya makwela, Yandi lenda kwiza mutindu yankaka?

Wapi mutindu Yandi nataka Klisto awa? Na nzila ya Ndinga ya baprofete. Ya kele kieleka? Wapi mutindu Yandi ke nata Kento ya Yandi ya makwela awa? Na nzila ya Ndinga ya baprofete.

Wapi mutindu Yandi talisaka Yandi ntangu Yandi kwisaka? Na nzila ya muntu mosi na mpeve ya Elie na zulu ya yandi, yandi basikaka na ntoto ya kuyuma. Wapi mutindu Yandi ke talisa Kento ya Yandi ya makwela? Yandi silaka na Malachie 4 kima mutindu mosi, ntete Yandi bebisa ntoto, mutindu ya vwandaka na bilumbu ya Sodome.

¹⁷² Beno bambuka moyo, Sodome yokamaka na tiya. Ya kele kieleka? Mbote, yinza yayi ke yokama na tiya. Yesu tubaka mutindu yina. Mpe ya ke vwanda ntangu, ti, mutindu Luc kapu

17 mpe nzila ya 30 ke tuba, “Na bilumbu ya ke vwanda mutindu Sodome na Gomorrhe, kuna Mwana ya muntu ke monisama.”

Mpe na manima yinki ke salama? Landila Malachie, Yandi ke yoka diaka ntoto na tiya, mpe bantu ya kudedama (na Millénium) ke tambula na zulu ya mbombi ya bantu ya yimbi. Ya kele kieleka? Beno me mona?

Na yina beto kele kaka na ntangu ya nsuka. Beto kele ya kuvwanda awa na kielo ntangu yayi, ke na kuingila Yandi kukwiza.

¹⁷³ Beno tala, Nzambi silaka na Ndinga ya Yandi ti Yandi ke soola Kento ya Yandi ya makwela na nzila ya Yandi ya kisina ti Yandi soolaka Yandi. . . Bakala ya makwela. Yandi zabisaka yawu na ntwala na nzila ya bapofete, mpe fidisaka profete samu na kutalisa yawu.

Profete tubaka, ya kutelama na simu ya Jourdain, “Tala!”

Bawu tubaka, “Nge kele Mesiya, mutindu yina ve?”

Yandi tubaka, “Ve, mu kele Mesiya ve.”

“Nge fwana vwanda Mesiya.”

¹⁷⁴ “Kasi Mu kele Yandi ve. Kasi Yandi kele ya kutelama na kati-kati ya beno. Mpe basapatu ya Yandi, Mu kele ve ya kulunga na kuzibula yawu. Ntangu Yandi ke kwiza, Yandi ke zabana. . .”

Mpe bubu yayi Yandi kele ya kutelama na kati-kati ya beto, na kati ya Muntu ya Mpeve-Santu, na kumonisaka Yandi mosi kulutila mingi mpe mingi, ke kwisa na Dibundu ya Yandi, na kuzabanaka Yandi mosi; samu ti, Yandi, mpe Kento ya makwela mpe Bakala ya makwela ke vwanda mutindu mosi, na kuzabanaka Yandi mosi. Mpe kilumbu mosi beno ke mona ti Yandi yina beno ke kuwa na kati ya ntima ya beno, mpe beno ke mona kutalisama ya Yandi, ke kuma muntu na ntwala ya beno, na yina beno mpe Yandi kele Mosi.

Beno me vukana na nzila ya Ndinga. Mpe Ndinga, vwandaka na mbandukulu, ke vutuka na mbandukulu, yina kele Nzambi. “Mpe kilumbu yina beno ke zaba ti Mu kele na kati ya Tata, Tata na kati ya Munu; Munu na kati ya beno, mpe beno na kati ya Munu.” Alleluia! Beto kele awa. Alleluia! Mu kele na kyese mingi na kumona Yandi me kuma Yandi mosi na kati-kati ya beto, mpe kumona yina Yandi silaka samu na Ndinga; ve yina kele emotion ya muntu, kuyimba, mpe kudumuka, mpe kubina. Kasi na nzila ya Ndinga ya Yandi, amen, Yandi ke na kukitalisa Yandi mosi.

¹⁷⁵ Beno tala, ntangu bawu nataka, tungaka tempelo mpe nataka sanduku na kati ya yawu, Nzambi kwendaka kuna na Dikunzi ya Tiya. Amen. Ya vwandaka David yina vwandaka dumuka mpe vwandaka boka, ya vwandaka bayimbi mpe banganga-Nzambi vwandaka sala mutindu yina, kasi ba vwandaka na ngaanda ya luzolo ya Nzambi. Kasi ntangu Nzambi talisaka sanduku na kisika ya Yandi mpe kisika ya zolaka

vwanda, ntete bawu kotisa sanduku kuna, awa kwizaka Dikunzi ya Tiya vwandaka talisa nzila; na zulu ya mapapu ya baselafa, mpe kaka na manima ya kisika ya kulutila Santu, kisika ya Yandi ya kupema; Dikunzi ya Tiya! Mpe nkembo ya Nzambi vwandaka na kati kuna, tii na ki- . . . bawu lendaka ve kumona mutindu ya kulonga. Amen.

Ya ke kanga meso ya théologien nionso, ntangu Yandi ke kwisa samu na Kento ya Yandi ya makwela. Ba ke zangula yandi na—na kati-kati ya mpimpa, mutindu ya vwandaka, samu na bawu. Bawu ke mona Yandi ve kukwenda. Oh, lukumu na Nzambi!

¹⁷⁶ Beno tala, Nzambi silaka ti Yandi ke basisa Kento ya Yandi ya makwela, yawu yina Yandi ke sala. Ya ke vwanda na Nkuna. Ya ke vwanda na Nsemo na ntangu ya nkokila, wapi mutindu Yandi ke sala bima nyonso yayi, kaka kieleka, mpe na mutindu Yandi kubikaka yawu ntete na Ngwisani ya Ntama mpe Ngwisani ya Malu-malu.

Mpe ya kele ve na nzila ya denomination. Ya kele ve na nzila ya ssysteme ya beto yina beto ke na kusadila bubu yayi. Beto ke na kunata kaka lufwa. Ti bantu kutula maboko ya bawu na Yawu, mpe kufwa na yawu. Beno me mona?

¹⁷⁷ Ndinga, Nsangu ya nkokila, fwana kunata bandandu ya nkokila. Nsangu ya nkokila fwana kuna Nkuna ya nkokila, nkuna ya suka ve. Nkuna ya nkokila! Ya kieleka? Diambu ya midi, bankuna ya yawu na manima kuna, vwandaka ya dénomination; yawu kufwaka, kufwaka. Kasi Nsangu ya ntangu ya nkokila ke lakisa Nsemo ya ntangu ya nkokila, ke lakisa bandandu ya ntangu ya nkokila; Nsangu ya ntangu ya nkokila!

Ntangu ya Yesu, nsangu ya midi, talisaka bandandu ya midi. Nsangu ya mbandukulu lakisaka bandandu ya mbandukulu, salaka luvangulu. Yandi salaka Mwana ya Yandi na kizizi ya Yandi Mosi, na midi. Na ntangu ya nkokila Yandi ke sala Kento ya makwela samu na Yawu. Beno me mona? Na nzila ya yinki? Ndinga ya Yandi.

Wapi mutindu Yandi salaka ntoto? Wapi mutindu Yandi bokilaka yawu na luzingu? Na nzila ya Ndinga ya Yandi!

Nani vwandaka Mwana ya Yandi? Ndinga! “Na mbandukulu vwandaka Ndinga, mpe Ndinga vwandaka na Nzambi. Mpe Ndinga kumaka nsuni mpe zingaka na kati-kati.”

Wapi mutindu Yandi ke baka Kento ya Yandi ya makwela? Na nzila ya Ndinga; ve na nzila ya pusu ya malu-malu, ve na nzila ya dibanza ya théologien mosi. Kasi landila Ndinga ya Yandi Yandi ke talisa Yandi. Beno bwela ve kima mosi na Yawu to beno katula kima mosi ve na Yawu ntangu yayi. Beno bika Yawu mutindu Yawu kele. Beno me mona?

¹⁷⁸ Na ntangu ya nkokila, Yandi silaka ti Yandi ke talisa, ti, ke zibula Bidimbu Sambwadi yayi mpe ke talisa yina mabuundu yayi kondwaka kuna. Apocalypse 10, mpe Malachie 4, Luc 17:30, Yandi tubaka ti Yandi ke sala yawu. Ntangu yayi beto vukisa yawu ve. Beto bika yawu kaka mutindu yina.

¹⁷⁹ Beno bika munu, samu na kumanisa . . . Ya kele pene, ya kele pene ya minuti kumi na tanu tii na ngunga ya kumi na zole. Beno bika mu sukisa, na kutubaka mutindu yayi.

Bankundi ya munu, beno kuwa, na Nkumbu ya Mfumu Yesu! Bima yayi kele pwelele mingi samu na beno na kukwikila Yawu ve. Ya kele pwelele mingi samu na beno na kumona Yawu ve. Kieleka beno lenda mona Yawu! Ya kieleka yinza lendaka mona Yawu! Kasi kaka beno . . .

Beno bendama ve na nzila ya mwa bima ya malu-malu yayi ke ngenga mpe nyonso yina kele na bawu bubu yayi; Mu ke kipe ve wapi mutindu bantu ya mbote bawu kele, mutindu ya kusungama bawu kele. “Kana bawu tuba ve landila musiku mpe baprofete,” Biblia ke tuba, “ya kele ve na Luzingu na kati ya bawu.” Beno me mona?

¹⁸⁰ David banzaka ti yandi vwandaka ya kusungama. Yandi vwandaka ya kusungama. Banganga-Nzambi yayi banzaka ti bawu vwandaka ya kusungama. Bawu vwandaka ya kusungama. Kasi bawu kondwaka kaka na kuyufula Mfumu samu na yawu. Mpe wapi mutindu bawu lendaka sala yawu? Ya lendaka vwanda ti bawu tubaka, “Beto me sambila samu na yawu.” Kasi yina vwandaka ve mutindu ya Nzambi ya kusala yawu. Yandi silaka ti Yandi ke sala kima mosi ve tii kuna ntete Yandi ke monisa yawu na bisadi ya Yandi baprofete. Mpe kuna telamaka Nathan kaka na kati-kati ya bawu, mpe ata mbala mosi ve ba yufulaka yandi ata fioti ve.

¹⁸¹ Ntangu yayi beno tanga mwa makapu yina ke landa ya Chroniques kuna, mpe beno ke tala. Ntangu David kotaka na yinzo, mpe tubaka, “Ya kele mbote,” mpe Nathan vwandaka ya kuvwanda na yandi, “ti mu lendaka, kuzinga na kati ya cèdre, mpe—mpe sanduku ya Nzambi na yisi ya batenta awa?” Mpe Nathan talaka, na Mfumu, yinki kutuba na yandi na kusala.

¹⁸² Mpe yandi salaka yimbi, na yawu kuna Nzambi tubaka, “Tuba na kisadi ya Munu David Mu zola yandi. Mu salaka yandi nkumbu mutindu bantu ya nene na ntoto, kasi mu lenda ve kubika yandi kusala yawu,” beno me mona, “yandi salaka Munu yimbi,” beno me mona, “Mu lenda bika yandi ve kusala yawu. Mu ke nata muntu mosi kuna, mwana ya yandi ya bakala, ke telemisa yinzo ya kukonda nsuka ya Nzambi.” Mpe ya vwandaka David, ya kieleka. Na yina, Salomon fwanikisaka yawu, kasi na manima yandi kubwaka. Muntu nyonso fwana kubwa. Muntu nyonso fwana kubwa.

Nzambi kele Yandi yina kaka lenda kubwa ve. Yandi lenda kubwa ve. Ya kele kima mosi Nzambi lenda sala ve, ya kele kubwa. Mpe Nzambi kele Ndinga. Mpe Ndinga, ata ti ya ke monana mutindu ya ke kwisa mutindu yayi yankaka, ya ke salama kaka kieleka mutindu Ndinga tubaka.

¹⁸³ Ntangu yayi beno bambuka moyo, beno fwana landa nsungi, ntangu. Beno me mona? Mpe na wapi nsungi beno kele, na wapi ntangu, mpe kupesa kimbangi yango, samu na kumona ti ya kele kieleka Kieleka.

¹⁸⁴ Ntangu yayi beno baka nyonso yayi fwana, Ndinga nyonso, bifwanukusu nyonso, mpe bima, mpe beno tala kisika beno kele ya kuvwanda. Beno banza na ngunga yina beto ke na kuzinga.

Beno tala kuna, ti pene ya mosi na zulu ya kumi ya ntoto me kubama na kudinda. Science me tuba yawu. Ba ke na kutala monte. Mwa bamvula me luta, ba me tuba, “Ya me bikana kaka baminuti tatu ntangu yayi tii na kati-kati ya mpimpa.” Ya lendaka vwanda minuti mosi, ya lendaka vwanda ndambu ya minuti ntangu yayi.

Bawu tubaka, “Ya ke salama ve na nsungi ya beto.”

¹⁸⁵ “Ya lendaka salama na baminuti tanu.” Mpe beno tala kima yina ke landa yandi tubaka, “Bamvula tanu.” Mu me tubaka yawu ata fioti ve ntangu yayi. Yandi tubaka yawu, muntu ya science. Ba ke na kukatuka na Californie mutindu banzinzi. Beno me mona? Mbote, kilumbu yina Lot basikaka na Sodome, kilumbu mosi yawu nokisaka tiya na zulu ya ntoto.

Mosi ya bilumbu yayi Nzambi ke baka Nsangu ya beto, mpe beto ke katuka awa. Kima mosi ke salama, ya kieleka mingi, na yina, ntangu Dibuundu me kwenda, Nzutu ya Yandi, Kento ya Yandi ya makwela.

¹⁸⁶ Ntangu yayi mu zola kutangila beno Masonuku, mpe mu zola ti beno tanga Yawu na munu. Mu zola ti beno baka Deutéronome 4, samu na kumanisa. Mu banza ti ya kieleka ba me tuba, ti beno ke bakula. Deutéronome 4. Mu ke tanga bisika zole na kati awa.

Mpe samu na dibuundu yayi, mpe samu na ba-bande, bantu yina ke kuwa ba-bande, mpe bantu yina ke na kulanda na bansinga na bisika yankaka na kati ya yinsi, mu zola beno kuwa yayi mbote-mbote, mpe beno kondwa yawu ve. Yayi kele kima yina mu . . .

Deutéronome, kapu ya 4. Mu ke baka nzila ya Ntete. Mu zola kutanga nzila ya 1, na manima mu ke tanga nzila ya 25 mpe nzila ya 26. Beno lenda tanga yawu nyonso ntangu beno ke vutuka na yinzo; kasi kaka, samu kusala nswalu, na yawu beto lenda basika na ntangu ya mbote, samu ti mu fwana vutuka dyaka na nkokila yayi, kana Mfumu zola. Beno kuwa profete yayi kuzonza. Yandi vwandaka na Mvwandulu ya Nzambi. Yandi zabaka yina yandi vwandaka zonzila. Beno kuwa.

Ntangu yayi na yawu beno kuwa, O Israël, misiku mpe na bandongosolo, yina mu ke longu beno, samu beno sadila bawu, ti beno zinga, mpe beno kota mpe beno baka yinsi yina MFUMU Nzambi ya batata ya beno pesaka beno. (Yina ke fwanikisa Millenium ya beto.)

Beno ke bwela ve na ndinga yina mu ke tuma beno, to dyaka beno ke katula na yawu ve, (“Beno bwela ve kima mosi na Yawu, mpe beno katula ve kima mosi na Yawu. Beno vwanda, beno tuba kaka yina Yawu ke tuba!”) beno ke keba misiku ya MFUMU Nzambi ya beno yina mu ke tuma na beno.

Meso ya beno me mona yina MFUMU salaka . . . na Baal-peor: samu ti bantu nyonso yina vwandaka landa Baal-peor, MFUMU Nzambi ya beno me bebisa bawu na kati-kati ya beno. (“Ntangu yayi beno kele bantu ya kukabuka, na ba-dénomination yango.” Beno me mona? Beno me mona?)

Kasi beno yina me kangama na MFUMU Nzambi ya beno, beno ke zinga beno nionso na kilumbu yayi. (“Beno me fwaka ata fioti ve na denomination ya beno. Beno ke zinga ntangu yayi, mpe na Mvwandulu ya Nzambi.”)

Beno landa na bukebi, beno kondwa yawu ve. Nzila ya 25, ntangu yayi, ntangu ba ke kwenda na yinsi, ntangu yayi beno tala yina salamaka.

Mpe ntangu beno ke buta bana, mpe bana ya bana, mpe beno . . . beno me bikana mingi na yinsi, mpe beno ke sala yimbi beno mosi (yawu yina salamaka), mpe kana beno sala . . . beno sala biteki (kima yankaka), to kifwani ya kima mosi, mpe kana beno sala yimbi na meso ya MFUMU Nzambi ya nge, na kusokisa yandi na kudasuka: (Beno kuwa!)

Mu ke bokila mazulu mpe ntoto samu na kupesa kimbangi ya beno kilumbu yayi, beno me mona, ti beno ke kufwa ntama mingi ve na yinsi, to kisika yango, kisika beno ke kwenda na Jourdain samu na kubaka yawu; beno ke tala ve bilumbu ya beno na zulu ya yawu, kasi ba ke bebisa beno na nyonso.

¹⁸⁷ Yayi vwandaka Moise vwandaka tuba na Israel, na manima yandi me siamisama na Nzambi, na nzila ya Dikunzi ya Tiya, mpe zabaka ti yandi talisamaka ti yandi kele kisadi ya Nzambi samu na kutwadisa bawu. Mpe ntete bawu kota na yinsi, ntete bawu kukota, Moïse tubaka, “Ntangu yayi, bandinga yina mu me zonga na beno, mu ke bokila mazulu mpe ntoto na kupesa kimbangi na zulu ya beno. Kana beno bwela kima mosi na Yawu, to beno katula Ndinga mosi na Yawu, beno ke vwanda ve na yinsi kisika Mfumumu Nzambi me pesa beno.”

Na yina mu ke tuba, na Nkumbu ya Yesu Klisto: Beno bwela kima mosi ve, beno katula ve, beno tula ve mabanza ya beno mosi na kati ya Yawu, beno ke tuba kaka yina ba me tuba na ba-bande yina, beno ke sala kaka kieleka yina Mfumu Nzambi me tuma na kusala; beno bwela ve na Yawu!

¹⁸⁸ Yandi me salaka yawu, ke zitisaka nsilulu ya Yandi na beto. Konso nsilulu yina Yandi salaka, Yandi me zitisa yawu. Yandi tubaka na beno yina ke salama, mpe yawu salamaka? Mu ke nata mazulu mpe ntoto na ntuala ya beno bubu yayi, na ntembe: Nzambi me tubaka ntete kima yina Yandi me lungisaka ve mpe me sala kieleka yina Yandi tubaka ti Yandi ke sala samu na beto? Yandi salaka yawu ve kaka mutindu Yandi tubaka ti Yandi ke sala yawu? Ya kele kieleka. Mutindu mosi Yandi ke landila na kusala yawu. Beno bwela kaka na Yawu ve. Beno katula na Yawu ve. Beno kwikila Yawu kaka mpe beno tambula ya kukikulumusa na ntuala ya Mfumu Nzambi ya beno, samu beto me belama na kukwenda na Yinsi.

Na yina, beno ke vutuka ve, beno ke vutuka diaka ve na mutindu yayi ya luzingu. Beno ke vutuka mutindu muntu yina ke kufwaka ve. Beno ke baluka, ntangu ba ke katula disumu, ntangu ba ke kanga Satana, mpe samu na bamvula funda mosi beno ke zinga na zulu ya ntoto yayi ti Mfumu Nzambi ya beno me pesa beno. “Samu ti bantu ya lembami ke byadila ntoto.” “Kyese na yandi yina ke zitisaka misiku ya Yandi nyonso, samu ti yandi ke kuzwa muswa ya kukota na Mbanza.” “Samu na ngaanda banganga-nkisi, bantu ya luvunu, bantu ke salaka kindumba, mpe bayimbwa. Ba ke kota kuna ve.” Kasi bawu kele kaka samu na bayina me Vuluka, mpe samu na bayina ke tambula na misiku ya Yandi.

¹⁸⁹ Beno baka ve kima ya malu-malu. Ba ke na kupumbuka bisika nyonso, mpe ya ke kwiza dyaka na mingi kulutila yina. Kasi beno baka ve bima yayi ya malu-malu.

Mfumu Nzambi ya beno me tuba na beno yina kele Kieleka. Mfumu Nzambi ya beno me siamisa yina kele Kieleka, na nzila ya Ndinga ya Yandi mpe na nzila ya Mpeve ya Yandi. “Na ngolo ve, na lenda ve, kasi na nzila ya Mpeve ya Munu.” Mpe, Mpeve, “Nzambi ke sosaka bayina ke sambila Yandi na Mpeve mpe Kieleka.” “Ndinga ya Nge kele Kieleka.” Mpe Yandi me siamisa pwelele ti Yesu Klisto kele mutindu mosi mazono, bubu yayi, mpe kukonda nsuka. Yandi me lakisa Bankuna ya nkokila na beno. Yandi me monisa Yawu na beno, na kati ya Ndinga. Yandi me talisa Yawu na beno, na nzila ya Mpeve ya Yandi.

¹⁹⁰ Beno banda ata fioti ve to beno meka ve kusala organisation. Beno meka ve na kutunga na zulu ya kima yankaka.

Kasi beno vwanda ya kukikulumusa na ntuala ya Mfumu Nzambi ya beno, samu ya ke monana mutindu mielo lendaka zibuka na Yinsi ya nsilulu ntama mingi ve. Na manima beto

kota na minkunga ya kieleka mpe ya kusepela, ntangu Kento ya makwela mpe Bakala ya makwela ke baka kisika ya yawu na Kiti ya kimfumu.

¹⁹¹ Beno zinga ya kukikulumusa. Beno zinga na zola. Beno zolana mosi na yankaka. Beno kota ata fioti ve na kima mosi na kati ya beno. Kana beno mona kima kukwiza na ntima ya beno na zulu ya muntu, beno basisa yawu kuna kaka kuna. Beno bika ve. . .

Mpe Satana ke sala nyonso ya yandi na kukota na kati-kati ya beno. Beno me mona? Beno bika ve yawu kusalama. Ya lendaka vwanda na muntu ya ludimi ya yimbi fwana kwisa mpe ke meka na kunata beno ntama na Yawu. Beno banza ti bawu lendaka zonza Moise na Mvwandulu ya Nzambi, kisika yandi telemaka kuna mpe monaka Yawu? Ve, tata. Ve. Beto ke katula Yawu ve to ke bwela na Yawu. Beno bika kaka Yawu mutindu Mfumu tubaka. Beto zola denomination ve. Beto zola ba-organisation ve. Beto zola ve mayele ya yimbi. Beto zola kuswana ve. Beto zola Nzambi, mpe Yandi kele Ndinga.

Ntangu yayi beto kulumusa bayintu ya beto.

¹⁹² O Nzambi, mu ke tala na lweka ya disu ya kimpeve, mu ke meka na kumona yina ke salama. Mu ke mona Ndinga ya Nge, mutindu Yawu me siamisama, mutindu ba me talisa Yawu; nzila nyonso kubanda bamvula makumi tatu na tatu me luta, awa na nzadi, yina Nge tubaka. Mpe yawu yayi, bamvula makumi tatu na tatu na ntwala, mpe Nge ke sala kaka yina Nge tubaka. Mpe Nge salaka kaka yina Nge tubaka. Mfumu, ntama na beto dibanza ya kumeka na kumona Yawu mpamba to kumeka kukumisa Yawu nene mingi; beto bika Yawu mutindu Nge me sala Yawu, beto tambula kaka ya kukikulumusa mpe beto landa Nge.

¹⁹³ Bawu yayi, Mfumu, ti Nge me pesa na kulonga, na balweka ya bayina nyonso me lala na yinsi, na yinza ya muvimba. Maziami awa me kanga mingi ya bayina ke na kuvingila, basantu ya kusakumuka. Kasi ya kele mutindu ya tubaka, “Beto bayina kele moyo mpe ke bikana ke pekisa ve bayina kele ya kulala. Mpungi ke wakana, bantu ya kufwa ke vumbuka ntete; na manima ba ke zangula beto.” Ntangu nkembo ya Nzambi ke vwanda na zulu ya ntoto, ya ke bumba Dibuundu ntama na yinza. Ya ke mona Yawu ve ntangu Yawu ke kwenda.

¹⁹⁴ Tata Nzambi, bumba bayayi na maboko ya Nge. Bawu kele ya Nge. Mu ke sambila, Nzambi, ti beto ke tambula ntangu nyonso ya kukikulumusa na ntwala ya Nge. Beto zaba ve bantangu yikwa. Beto zola ve kuzaba bilumbu yikwa; ya kele ve dyambu ya beto. Ya kele dyambu ya Nge. Ya kele ve luzolo ya beto na kuzaba ntangu Nge ke kwiza. Ya kele luzolo ya beto, Mfumu, na kuvwanda ya kukikulumusa tii Nge ke kwiza, mpe kutambula na Nge. Ya kele nsatu ya beto samu na Nge na kubika kaka Nge

mosi kuzabana, mbala mosi na mwa ntangu fyoti, Tata, na kati-kati ya beto, ti beto lenda mona ti beto ke tambula dyaka na Nge.

¹⁹⁵ Lemvokila beto masumu ya beto yina me luta. Twadisa beto mpe keba beto na konso mpeve ya yimbi, samu na bilumbu ke kwisa na ntwala. Twadisa beto mpe twadisa beto, O Nzambi Tata ya beto. Lemvokila masumu ya beto mpe sadisa beto na kuvwanda bana ya Nge. Beto keke kalasi ya bantu ya mputu. Beto keke bantu yina ke losaka, na bimvuka ya yinza yayi, na nzila ya ba-denomination ya mabuundu.

Beto ke mona nsuka. Mpe beto ke tonda Nge samu na meso ya kimpeve na kati ya Ndinga ya Nge, samu na kumona ntangu ya nsuka, samu ti bima nyonso yayi fwana kwiza na canyon yina ya nene ya Mazulu. Sadisa beto, Mfumu, kuvwanda awa ve na kilumbu yina, kasi kukwenda na Mvwandulu ya Nge, pumbuka na ntulu ya Nge.

¹⁹⁶ Belusa bambevo mpe bantu ya mpasi, Mfumu. Beto ke sambila ti na nkokila yayi Nge ke pesa beto lukutakanu mosi ya nene, ti ya vwanda ve na muntu mosi ya kulemba na kati ya beto, samu na Mvwandulu ya Nge, Mfumu. Bika ti bantima ya beto kuvwanda na zulu ya Nge ntangu nyonso. Mpe beto zaba, Mfumu, mbongo yina, bima ya yinza keke na nsasa ve, kaka na mutindu ya mumesanu. Bawu nyonso fwana kwenda. Bisalu ya beto, bisika ya beto, bankundi ya beto, nyonso fwana kwenda. Ata wapi mutindu mvwama, wapi mutindu mputu, wapi mutindu ya kuzabana to ya kuzabana ve ti beto keke, yawu nyonso fwana kwenda. Kasi ya keke kaka na kima mosi yina keke moyo ya beto awa yina keke na kati-kati, mpe ya keke Yesu Klisto. Na yawu, Nzambi, ti beto tula nyonso na lweka mutindu ya zole, mpe beto kangama na Yandi. Mpe Yandi keke Ndinga. Pesa yawu, Mfumu.

¹⁹⁷ Ndinga ya ngunga yina me siamisama! Ndinga ya Moise yina me siamisama vwandaka Yesu. Ndinga ya kusiamisa ya kilumbu ya Ésaïe, Élie, Jean, nyonso, vwandaka Yesu. Mpe Ndinga yina me siamisama bubu yayi keke Yesu, mutindu mosi mazono, bubu yayi, mpe kukonda nsuka. Sadisa beto, Mfumu, na kukwikila yawu, nge me mona yawu, mpe tambula na kati ya yawu. Beto—beto ke lomba na Nkumbu ya Yesu.

¹⁹⁸ Na bayintu ya beto ya kukulumusa, mu ke kukiyufula kana ya keke na bayankaka na kati awa yina me salaka ata fioti ve yina ya nene, ya kulunga... Beno ke kwikila Yawu, kasi kaka samu na kukwikila ti Yawu me lunga ve.

Mu ke kwikila ti kento ya munu vwandaka mwana-kento ya mbote. Mu zabaka tata ya yandi, mama ya yandi. Mu zabaka yandi kubanda bamvula mpe bamvula mingi. Yandi me tambula luzingu ya kusungama. Mu banza ti yandi vwandaka kento ya mbote, kasi yina salaka ve yandi ya munu. Yandi kumaka ata

fioti ve ya munu tii kuna, yandi, mu ndimaka yandi, yandi ndimaka munu.

Ntangu yayi Yesu zola kundima beno. Beno zola ve kundima Yandi mpe kukuma kitini ya Ndinga ya Yandi? Kana beno me sala yawu ve, na bayintu ya beno ya kukulumusa mpe bantima ya beno ya kukulumusa, mu ke na kivuvu . . .

¹⁹⁹ Ya kele ve na kisika samu na mbokolo na autel awa. Mu kele mingi ve na zulu ya bawu, na mutindu nyonso. Mu ke kwikila ti Nzambi ke kwisa tala nge kisika nge kele. Beno zola kutelemisa maboko ya beno, kutuba, “Mpangi Branham, bambuka moyo na munu na kisambu. Mu zola kusala yawu?” Nzambi sakumuna nge. “Mu . . .” Nzambi sakumuna nge. Oh, la la, bisika nyonso! “Mu zola kuvwanda mutindu yina.” Nzambi sakumuna nge, mpangi-bakala. Nzambi sakumuna nge, mpangi-bakala; beno nionso, pene-pene. “Mu zola kuvwanda yina.” Nzambi sakumuna . . . “Ya kieleka mu zola kuvwanda yina. Mu—mu ke mona yawu.”

Mbote, ntangu yayi, beno tala, nkundi, ya lenda vwanda na mwa kima mosi . . . Kana beno kele yawu ve, na yina ya kele na kima yina beno me kuzwa na kati-kati na lweka ya yawu. Beno kele pene-pene mingi na yawu, beno ke na kutala yawu. Beno me mona yawu. Beno me monaka yawu kubanda bamvula, kumata. Beno me mona yawu kukula ntangu yayi. Kana ya zola kutuba nyonso samu na beto, mpe kima yankaka ve ke vwanda ya nsuka kasi Yawu, samu na yinki beno ke balula ve yintu ya beno na kima yina beno vwandaka tala na kati-kati beno mosi na zulu ya Yandi? Na yina, kati-kati ya luzingu ya muvimba, luzingu nionso na manima, kele Yandi. Beno zola ve kusala yawu, na yina beto ke sambila kintwadi?

²⁰⁰ Nzambi ya luzolo, mutindu maboko ya babakala, bakento, bana-babakala, bana-bakento, mpe balongi, bawu me telemisa maboko ya bawu. Bawu—bawu zolaka ku—kutuba ti bawu zolaka kuvwanda na kati-kati kaka pene ya Mfumu Yesu, mpe dyaka ya ke talana mutindu ti bawu lenda ve kusala yawu. Ya kele na kima ke benda bawu mutindu yayi, mutindu yina. Ya lendaka vwanda denomination, ya lendaka vwanda muntu, ya lendaka vwanda disumu, ya lendaka vwanda kima yina ba ke na kubumbama na kati ya ntima ya bawu. Mu zaba ve, Mfumu. Nge zaba. Nionso yina ya kele, bika kaka ntangu yayi, Mfumu, na yina Nge ke bokila . . . Nge me bokila bawu. Ba kele ya Nge.

Mpe na yina Nge ke bokila bawu, ti bawu bika yawu, disumu yina ke kangama na mpusu, mutindu Biblia me tuba. “Beni kwenda ntama ya disumu yina ke kangaka beto na malembe, samu ti beto kima na kukangaka ntima mbangu yina kele ya kutula na ntwala ya beto, na kutalaka (na yinki? na kisalu ya beto? na denomination ya beto? na kuvukana ya beto? na bimvuka?) na Klisto Musoniki mpe Mumanisi ya lukwikilu yina

kele na beto na Yandi.” Sala yawu, Tata, samu na beto bubu yayi, samu ti beto me lombu yawu na Nkumbu ya Yandi mpe samu na nkembo ya Yandi.

²⁰¹ Ntangu yayi ba kele ya Nge, Mfumu. Sala na bawu mutindu Nge ke mona kulunga. Sala na beto mutindu Nge me mona ya kulunga. Beto kele ya Nge. Na Nkumbu ya Yesu. Amen.

Mu zola Yandi, mu zola Yandi
Samu Yandi zolaka munu ntete
Mpe sumbaka mpulusu ya munu
Na zulu ya yinti ya Calvaire.

²⁰² Beno me zimbana samu na madia ya midi? Beno me zimbana kana bana kele mbote mingi, kuna na kati ya ditoma, to ve? Beno me zimbana nionso yina me luta, mpe beno me bakula yina yawu kele ti beno ke na kuwa na ntangu yayi? Ya kele kima na ntwala ya beno, kilumbu na manima ya kilumbu. Beno me mona? Bika ti ya vwanda na kati-kati ya nyonso. Ti bayankaka ya bima kukwenda; bawu ke kufwa, na mutindu nyonso.

Oh, beto landila kaka na kulanda Yandi! Beno me mona? Mutindu Élisée landaka Élie, beto landa Yandi. Samu ti ba fwana zangula beto, mpe, kilumbu mosi. Beto monaka pusu ya Tiya yina basisaka Yandi na ntoni. Beto ke kuwa Yawu na kati-kati ya beto ntangu yayi. Kilumbu mosi Yandi ke katula bampunda na matiti. Beto ke mata. Beno zola Yandi ve?

Mpe sumbaka mpulusu ya munu
Na zulu ya yinti ya Calvaire.

Oh, beno lenda kaka ve kukanga meso ya beno mpe kumona Yandi ya kulelika na zulu kuna?

Mu zola Yandi, (Nani yankaka mu lenda zola?)
Mu zola Yandi
Samu Yandi zolaka munu ntete
Mpe sumbaka mpulusu ya munu
Na zulu ya yinti ya Calvaire.

²⁰³ Ntangu nionso ntangu mu ke vutuka na yinzo, muntu mosi me kwenda. Mu ke kwenda mwa bangonda fioti, mu ke vutuka, muntu mosi me kwenda. Mu ke na mawa ntangu nionso mu ke kwisa.

Kilumbu yina, mwana-bakala mosi ya ntwenia mu kwendaka na lukolo, yandi vwandaka kulumuka na bala-bala, yandi tubaka, “Mbote, Billy.”

²⁰⁴ Mu talaka yandi, yandi vwandaka mwa muntu mosi ya kitoko, kieleka bansuki ya ndombi yina ke ngenga na manima; ntangu yayi ya kele mpembe mutindu mvula ya mpembe. Yandi vwandaka ya kusungama; kasi ntamgu yayi kivumu ya yandi me basika mutindu *yayi*. Mu tubaka, “Mbote, Jim.” Mu talaka yandi.

Mu kuwaka na kati ya ntima ya munu, mu banzaka, “Nzambi, mwana-bakala yina mpe munu, muntu yina mpe munu, kele mvula mosi.”

Na yina, mu zaba ti bilumbu ya munu me tangama. Mu zaba ti ya lenda vwanda dyaka ve ntangu mingi. Mu ke tala bisika nyonso, mpe ke banza, “Yinki mu lenda sala, Mfumu? Sadisa munu. Mu zola ve kukwenda na ntwala ya Nge. Mu zola vwanda kaka—kaka na manima ya Nge. Nge ke twadisa nzila.” Mu ke tala, mpe mu ke banza, “Bamvula makumi tanu na sambanu, oh, la la, mu lenda vwanda dyaka ve ntangu mingi!”

²⁰⁵ Mpe mu ke tala na yisi, mu ke mona nkundi ya munu ya mbote Bill Dauch yina kele ya kuvwanda kuna, bamvula makumi sambwadi na zole to makumi sambwadi na tatu. Mu ke tala bisika nyonso, mu ke mona bana yayi, bawu ke banza, “Mbote, mu ke vingila tii mu ke kuma kiboba mutindu Mpangi Branham, mu ke banza yawu.” Cherie, nge lendaka mona yawu ata fioti ve. Mu ke tula ntembe mingi ti nge ke mona yawu. Beno me mona? Kasi, beno banza kaka, kana Mpangi Bill Dauch ke zinga na nzila ya kilumbu yayi, yandi ke zinga bankama ya bantu kumi na tanu, ya bamvula kumi na sambanu. Ba ke kufwa konso ngunga.

Na yawu wapi luswaswanu ya ke sala na wapi nsungi beno kele! Yinki beno ke na kusala na ngunga yina beno ke na kuzinga? Yinki beno ke na kusala samu na Yesu na ntangu yayi? Beno me mona? Oh, mu zola kumona Yandi. Mu zola kumona ngunga yina mu ke tala mpe kumona banzutu yayi nionso ya ntama kusoba, kumona bawu “kusoba na mwa ntangu fioti, na mbwetolo ya disu.” Kana ya kele mutindu yina ve, na yina beto kele bantu ya kulutula bulawu; beno kudia, beno kunwa, mpe beno vwanda na mavimpi ya mbote, samu mbasi beno ke kufwa; beno me mona, beno kele kaka mutindu kibulu, beno ke kufwa mpe ke kwenda na ntoto mpe kaka yina. Kasi ya kele na moyo yina ke kufwa . . . moyo yina ke kufwaka ve yina ke zingaka na kati ya beno, mpangi. Beto kuwaka na Mazulu. Beto monaka yawu me talisama. Beto zaba ti Yandi kele, mpe musendo ya bayina vwandaka sosa Yandi.

Ntangu yayi, bamambeke ya Nzutu ya Klisto, na yina beto ke yimba dyaka yawu, Mu zola ti beno vwanda kaka na bakiti ya beno mpe beno pesana mbote mosi na yankaka na yina beto ke yimba dyaka yawu.

Mu . . .

Beno pesa kaka mbote na mpangi ya beno ya bakala, mpangi ya kento.

Mu zola Yandi
Samu . . . (Richard!) . . . munu
Mpe sumbaka mpulusu ya munu
Na zulu ya yinti ya Calvaire.

²⁰⁶ Beno zola Yandi? Beno tuba, "Amen." [Dibuundu me tuba, "Amen."—Mu.] Beno zola Ndinga ya Yandi? Beno tuba, "Amen." ["Amen!"] Beno zola dyambu ya Yandi? Beno tuba, "Amen." ["Amen!"] Beno zola Nzutu ya Yandi? Beno tuba, "Amen!" ["Amen."] Na yina, beno zola mosi na yankaka. Amen! Ya kele kieleka. "Na yayi bantu nionso ke zaba ti beno kele bilandi ya Munu, ntangu beno ke zolaka mosi na yankaka."

Ntangu yayi mu me tentika maboko ya munu na zulu ya bamuswale yayi, kana beno fwana baka yawu na ntwala ya nkokila.

²⁰⁷ Mu ke kuzwa Mpangi Richard Blair... Nzambi pesaka mvutu na kisambu ya yandi, yandi mpe mpangi-bakala yayi awa, yina vwandaka sambila kilumbu yankaka yina, samu na kuvutula mwa mwana ya bakala yayi yina me vwanda na kati-kati ya beto bubu yayi, yina ke na kuzinga, samu na lukwikilu ya bawu na Nzambi. Ntangu yayi mu ke lomba yandi na kusukisa na mpova ya kisambu, kaka na mwa ntangu fyoti, samu ti beto vutuka dyaka na nkokila yayi.

Kaka pene ya baminuti tanu na manima ya midi, na nzila ya montele yina. Mpe mu zola ti beno vutuka na nkokila yayi, kana beno lenda, kana beno kele pene-pene. Kana beno fwana kwenda na yinzo, ti Nzambi nata beno na nzila, mpe kusadisa beno, mpe kukeba beno. Kana beno lenda vwanda, mpe beno zola kuvwanda, beno kuzwa nkwizulu ya mbote na kuvwanda. Nzambi kuvwanda na beno ntangu yayi.

Tii beto ke kutana! tii beto ke kutana!
Tii...

Beto telemisa maboko ya beto na Yandi.

... kukutana na makulu ya Yesu;
Tii beto ke kutana! tii beto ke kutana!
Nzambi kuvwanda na beno tii beto ke kutana
dyaka.

[Mpangi Branham ke yimba na kati ya yinwa *Nzambi Kuvwanda Na Beno*—Mu.] Ya kele mutindu ya kubika yinzo ya Nzambi, na mutindu ya bisambu, na kukikulumusya nionso, na kivuvu ti beto ke kutana diaka na nkokila yayi. Kana beto sala yawu ve, "Nzambi vwanda na beno tii beto ke kutana diaka!"

Beto kulumusa bayintu ya beto ntangu yayi. Mpangi Blair.



KUMEKA KUSADILA NZAMBI KISALU
KUKONDWA YA VWANDA LUZOLO YA NZAMBI KNG65-0718M
(Trying To Do God A Service Without Being The Will Of God)

Nsangu yayi ya Mpangi William Marrion Branham, kulongamaka na Kingelesi, na Lumingu na suka, na kilumbu ya 18 ya Ngonda ya sambwadi, na mvula 1965, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org